



解州全志卷之九

木州

人物

宋

柳開字仲塗僑大名父承翰乾德初監察御史開緱頰

異有膽勇周時侍父任南樂盜夜入室開纔十三亟

取劍逐之盜踰垣出開揮刃斷二足指既就學喜討

論經義五代文格淺弱慕韓愈柳宗元爲文因名肖

愈字紹元旣而改名字以爲能開聖道之塗也著書

自號東郊野夫又號補亡先生作二傳以見意尙氣

自在不欲小節所交皆一時豪雋開寶六年舉進士

解州全志

卷之九

木州

人物

一

補宋州司寇叅軍以治獄稱職遷錄事歷知常州潤

州貝州加殿中侍御史雍熙二年坐與監軍忿爭貶

上蔡令會北征開部送軍糧將至涿州遼帥領萬騎

與米信相持俄給言求降開謂信曰兵法云無約請

和謀也彼將有謀急攻之必勝信遲疑不決後偵之

果以矢盡俟取於幽州也雍熙中使河北因抗疏曰

臣受非常恩未有以報年纔四十膽力方壯願陛下

賜臣步騎數千任以河北用兵之地必能出生入死

爲陛下復幽薊雖身歿戰場臣之願也乃以開爲崇

儀使知寧邊軍徙全州全西延洞粟氏聚族五百餘

常抄劫開爲作衣帶巾帽選才吏勇辨者三輩使入
諭之粟氏率其酋四人與吏偕來開厚犒賜居數日
遣還如期攜老幼悉至開卽部其居業作時鑑一篇
刻石戒之遣酋入朝授東州上佐賜開錢三十萬淳
化初移知桂州復知環州三年移邠州時調民輦運
趣環慶民皆蕩析產業復督民運開貽書轉運使曰
開近離環州知芻糧之數不增大兵可支四年今蠶
農方作再運半發老幼疲弊畜乘困竭奈何又苦之
不罷開卽馳詣闕下白於上前矣卒罷之又知曹邦
二州真宗初加如京使知代州極言邊防利害政治
得失開至州葺城壘戰具諸將多沮議不協開曰吾
觀昴宿有光雲多從北來犯境上寇將至矣吾聞師
克在和今諸將且危吾卽求換郡徙忻州刺史及遼
師犯邊上書請車駕觀兵河朔四年徙滄州道泰年
五十四錄其子涉三班奉職開喜射嗜奕有集十五
卷作家誠千餘言刻石以訓諸子性倜儻重義在大
名嘗過酒肆飲有士人至自京以貧不克葬親卽罄
所有得白金百餘兩益錢數萬遣之開兄肩吾御史
肩吾三子湜灝沆並進士第灝秘書丞

解州全志

卷之九

本州

人物

二

儀肅州金井里人兄弟四人俱任武職肅當金末以戰
功爲宣撫使攝虢州元兵至勢不能支謂其衆曰吾
非不能死不欲血數萬生靈以釣身後名也遂出降
子叔安爲揚州別駕又爲台州路總管

伯德那西域板勒紇城人元兵下西域舉族歸事親王
旭烈授河東民賦副總管因居河中猗氏縣徙解州
卒贈芮國公子察罕生於河中相者曰是見必貴國
人謂白爲察罕故名生而魁偉穎悟博覽強記通諸
國字書爲行軍府與魯千戶前後從與魯赤出入湖
廣江西兩省多著勳績大德四年爲武昌路治中武

解州全志

卷之九

本州

人物

二

宗仁宗定大計多所匡益拜中書省叅知政事得大
臣體暮年居德安白雲山別墅罕天性孝友田宅之
在河中者悉分與諸昆弟昆弟貧來歸者復分與田
宅又縱奴爲民人稱長者皇慶元年進榮祿大夫平
章政事商議中書省事乞歸解州立碑先塋子外家
奴大中大夫武岡路總管次子忽都禿奉直郎高郵
府判官孫九人仕者二人濶不花哈撒

岐裕齋三張村人隱居不仕以學行鳴於所居建孔顏
會燕居堂及學舍歲時率鄉人脩祀事習禮儀敘鄉
飲少長之節教樹畜敦行誼子孫耕讀以爲世守甘

貧賤無外慕鄉里化之生六子皆以卿名張正有六
卿詠祀鄉賢

明

史誠祖洪武末以人才舉陳鹽法利弊上納之授汶上
知縣爲治廉平寬簡永樂七年遣御史考覈郡縣誠
祖治第一擢濟寧牧仍視汶上縣事職屢當遷爲民
賦奏留後卒於任士民哀號留葬城南祀鄉賢

辰昭永樂庚子舉人除監察御史丁父憂時州同知罹
法落職而臬司適按部候昭恨昭之不解己也諧於
文選郎服闋謫嘉定知縣子繡字廷器敦厚遜讓歷
解州全志 卷之九 本州 人物 四
任分巡雲南道父子皆祀鄉賢

史善宣德五年貢任邯鄲縣知縣有惠政陞鞏昌府通
判不阿權貴致仕歸邯鄲人立祠祀之祀鄉賢
龐通泰康坊人永樂四年舉人初任禹城知縣歷陞長
史政績甚著其德行鄉黨亦推重之

史宗禮字文博宣德壬子舉人狄道知縣公正廉勤有
惠政陞瑞州通判遷本府知府年八十七卒
白資正統五年貢陝西華亭知縣致仕歸囊無餘物所
着卓靴二十餘年不易

周浩景泰庚午舉人知泗州剛介不附勢要有指揮通

巡倉御史虛出通關浩劾之

侯俊字彥傑天順五年貢山東聊城主簿以憂調四川
德陽主簿清白謹慎又能平大盜稱神明焉

張英天順歲貢以孝友稱任兵馬指揮使陞淮安府通
判有惠政號張佛兒居鄉和遜以琴書自娛年八十
九卒子璠以孝聞服父喪泣血十日而卒

王文字貫道成化乙酉舉人幼孤事母孝性沉默詩文
自成一家歷任武功汲縣教諭卓立師範人材多所
成就雖盛暑必衣冠不干謁致仕歸杜門不出州守
重之常臨訪焉祀鄉賢

解州全志

卷之九

本州人物

五

馬達字雲路成化十六年貢會寧縣知縣仁慈端潔謝
政歸杜門靜處而已初達父旺代兄成密雲於成所
生達逢赦還與長兄選克世其德迄今科第人文爲
解望族祀鄉賢

蒲昭字克明成化二十二年貢昌樂縣丞爲太學生時
關廟祭田被豪強佔沒奏請勅部行查勘斷歸正覓
碑記呂涇野先生以昭高年多識修州志多所諮訪

呂子固字孟堅宏治己酉舉人授富平教諭精性命理
喜著作爲人師以禮法自持誘掖獎勸多所成就解

組後四方學者益衆著有三車一覽集子鳴韶嘉靖

十五年貢官元氏教諭甘貧樂道以孝友稱嘗佐馬谿田脩陝西志祀鄉賢

史臣字秉直宏治辛酉舉人任上蔡知縣重學校却巨盜公廉仁恕老成練達臣之祖名弼直隸河間人洪武初知州事勤慎愛民秩滿士民挽留遂家焉後裔相繼登科書香不絕

王光祖正德間貢遊呂涇野之門精思力行研窮理學不治舉子業涇野轉官南都光祖負笈從之涇野歎其篤信好學比歸築室祀先聖賢讀書其中題曰明誠精舍著有龍居子稿

解州全志

卷之九

本州人物

六

程鵬字萬里正德辛未進士知鄆縣清正自守剛介無私歷知鄧州陞刑部郎中卒於京冢宰王瓊見其囊橐蕭然歎曰於此知其守矣爲具棺殮之祀鄉賢

邱東魯正德丙子舉人少遊呂涇野之門謁選授廣平府同知廉明有幹郡有疑獄十年不決東魯甫下車一言成信讞時太守忤直指且將按罪小民訛傳兵至驚竄四散太守遂單騎入奏東魯屹然不動從容曉諭民始安堵歷戶部郎中以養親告歸著有見聞錄祀鄉賢

李瑒字栗軒嘉靖癸丑進士授蒲城知縣明敏質直清

操凜然會地多盜瑤捕斬巨魁四境寧謐

介一清字白石大張村人偉幹負奇氣而優於學闡築幅不能容作雙行書殿試二甲授兵部主事歷車駕司郎中出知延安鄖陽府政績卓著歸田時遇鄉人大饑賑粟數百石年八十三卒祀鄉賢子孫科甲鼎盛今七世矣

王琰字仲輝嘉靖戊午舉人漢陽知府歷官二十餘年清正剛果所至有聲歸田後敝衣蔬食簡淡自如憲其爲顯宦也

侯居良字兼山幼負高才遂於學與弟孝廉居震齊名

解州全志

卷之九

木州人物

七

弟居坤同登嘉靖丙辰進士時稱三鳳初授瀋川知縣清廉有政績治行第一擢監察御史抗疏請止織造又論大學士殷士儋士儋致仕去出按雲南以人文日起請廣解額如內地論黔國公沐朝弼不法滇人立祠祀焉祀鄉賢居坤字至軒累官太僕寺少卿年甫四旬卽解組歸隱居教子居震子加采進士居良子加地居坤子加邕如乘俱登賢書歷官有聲

孫維清字寅所性溫淳持躬謙謹仕吏部十餘年黜陟

平允人服其才居鄉賑恤多善行累官四譯館太常

寺少卿在銓部時張江陵爲相維清抗疏論其威脇

中外由是得罪祀鄉賢

鄭荊宇茂卿嘉靖四十五年貢性質樸端確自守歷鄆陵訓導膺施教諭金州學正口授生徒得俸金輒濟貧士人多德之致仕歸撫諸姪郵隣里祀鄉賢子國俊國彥相繼登第咸謂盛德之報國俊字檀峰初任中書歷官浙江布政使方正耿直出處如一祀鄉賢子鴻業官中書國彥官吏部司務

侯臣字世勳嘉靖間中部知縣才識超卓爲政務順民心不施鞭朴善惡各有籍記行可嘉者榜其門由是民風丕變以憂去老幼泣送補三水民畏服如中部

焉

解州全志

卷之九

木州人物

八

劉登朝隆慶元年舉人聰敏好學尙氣節初令沂水救荒理獄興學勸農沂民立碑誌之後令棗陽循良益著以勤卒官

劉從仁字約所主簿登康子隆慶元年貢初授元氏知縣防槐河諸水全民田數百頃值歲荒賑倉粟給藥餌全活甚衆陞泰安州知州再調鄆州前後墾荒均役抑豪右除竄丁築堤護城引水溉田轉灤州以勞瘁乞歸卒泰安灤州咸祀名宦

楊培隆慶丁卯舉人藍田知縣廉而貞惠行荒政多所

全活民懷其德立生祠子雲梯崇正戊辰進士歷任內黃玉田望江知縣克承先志祀鄉賢

趙欽湯字新盤博學淹貫隆慶二年進士任掖縣令以卓異舉擢戶曹出守鳳翔歲荒賑饑備兵甘州甘俗喜畜牛羊欽湯教以業褐遂貽永利司臬山東疑獄多所平反累遷浙轄靖倭亂中貴以織礦二役滋擾持法不爲撓遷京兆尹會加賦抗疏止之轉南戶部侍郎總督糧餉飭屯政定改折請蠲恤慎預支凡所條陳悉合機宜久之告歸卒諭祭葬贈戶部尚書欽湯性孝友初家貧啖糠覆以粥不令父覺受經仲兄

解州全志

卷之九

本州

人物

九

如父師禮待諸姪如子終身布衣贍助族里無吝色年七十九讀書不輟著通鑑纂要關公祠志諸書行世祀鄉賢

李瓊字聰甫隆慶戊辰進士孝友性成既仕與弟冊同居終身一無所私弟卒撫育二姪填官彰德知府興利除害郡人德之爲立生祠後官陝西叅政時西陲徵兵關南人心擾動瓊力爲鎮撫倚若長城及居鄉温恭長厚卽奴隸亦恪守禮法不以勢耀也

李春光字實吾隆慶戊辰進士初授保寧府推官精明

廉直陞戶部主事歷陝西布政使擢都御史巡撫延

綴會京察賜文綺盃盤磨一子起戎政侍郎因災變
上言敬天法祖勤政任賢罷開採撤稅使霽雷霆施
雨露補大僚還逐臣填空署已代庖期回天意上嘉
納覃恩蔭一子世襲錦衣百戶尋乞歸家居課子嚴
微不至蒙存問賜白金文綺人驚異數云流覽羣籍
工詩文著有中丞疏稿年七十九卒賜祭葬贈兵部
尚書太子少保祀鄉賢

杜可久隆慶庚午舉人品節高邁工詩文嘗送人北上
云見說各城爲便道潘君寄淚到椒山風節概可見

矣

解州全志

卷之九

本州

人物

十

李希楫字濟字隆慶間貢官士林苑署丞有王海者爲
部役醫程四十石莫能給其妻轉債於署中人咸苦
之希楫撥詞申理

浦三善萬歷元年舉人初任臨江理刑調繁河間服闋
起補慶陽歷宦二十餘年廉而不刻致仕歸茅屋數
椽蕭然如寒士也子友梅增生以孝聞後裔俱克世

其家

介夢龍字潤字一清子萬歷壬午舉人初授湖州府節

推決斷如流兼攝歸安烏程築遷南京司理督理揚

州鈔關治行超卓宿蠹盡除終戶部員外歸田後優

游林下四世一堂壽八十二子孫相繼登科祀鄉賢
李峨字雲冲學正增長孫萬歷乙酉舉人歷莒州知州
清廉有聲性孝友撫繼母幼弟如同生急流勇退人
服其高祀鄉賢

趙標字準臺欽湯長子少英敏年二十登第選庶常擢
侍御首請冊立東宮劾罷寺僚又言時政詔旨不信
上下不交臣節不振人情不安四大患識者避之出
按畿南風紀大振及再入蜀奏免蜀人木運之累楊
應龍據播猖獗當事諱言兵標力陳當勦狀疏十七
上卒能馘酋成功賑飢民減礦稅露章劾中貴陳增

解州全志

卷之九

本州

人物

十一

罪遷璽卿典河南試稱得人轉太常卿以敘播功進
級蔭子轉大理寺卿冊封益藩餽贈無所受因使事
歸覲病作竟不起年四十五上遣官致祭標居恒懷
慨重大節不翹人過歷宦無長物博古工文辭著有
經濟全集

侯加采字亮余居震子萬歷己丑進士由河內尹累官
四川遵義副使所至有聲宦橐如洗初仕順德時母
病卽解官歸兄病如之居家以講明性學爲事諸違
官造訪皆謝不見從之遊者稱理學先生

侯加地字慶余居良子萬歷丁酉舉人辰州府推官諱

順天府刑獄稱平入名宦加地工詩善書尤敦懿行
與弟加乘各輸粟賑宗族加邕令臨城有惠政

范啟科字象盤國棟子萬歷戊午舉人初授陝西商南
縣縣多礦盜啟科勦獲其魁楊省並黨數十人以薦
調邵陽時寇氛充斥兵且譁賴以定總督洪以邊才
薦遷慶陽同知駐靈州城爲河衝忽河套數十萬騎
圍靈者二十七晝夜啟科運木石督班軍寢食幾廢
卒保安全署道篆半載謝絕緘緣破於任生平讀書
外無他嗜長於詩每登臨輒有咏祀鄉賢

李希楨字茂田天啟元年舉人署汾陽學博陞泗州知

解州全志

卷之九

本州人物

三

州淮數決模脩固之革飛馬去漕運爲地方身任利
害登上考擢刑部員外歷郎中積案一清法不容貸
者執如山雖權貴不能撓出爲莊浪道與羌雜處楨
浚塹設壘謹飭烽火戰具令部曲相保西陲以寧歸
田後閉戶課孫絕迹公庭逢令節諸子諸孫及親屬
羅拜堂前問不能及但頷之而已年八十四卒

趙躋昌字昇運天啟辛酉舉人初授介休縣教諭德教
最著陞咸陽縣知縣尤著循良闖寇破城罵賊不屈

死祀鄉賢

王國訓字振之天啟二年進士歷知金鄉壽張潁陽武

清誅鋤姦僧肅清風化坐大計免久之補扶風國訓
性剛嚴恥干進故官久不遷八年賊來犯嬰城固守
閱兩月外援不至城陷罵賊死贈光祿少卿賜葬廕
一子入監祀鄉賢

介松年字赤仙元善子嗣元正後少負才名崇正辛未
進士授益都舉卓異艱起陞禮部主事剔釐積弊
會行軍擢戶部給事中督餉南行至保定京師已陷
抑鬱成疾卒

李希稷字又田瑱次子素行端謹無貴介氣孝事繼母
撫孤姪有成由歲貢任潞安府訓導歷陞大同府教
解州全志

卷之九

本州

人物

李

授移疾歸杜門恬養士論重之

李為榷宇泰九以父蔭歷官南北戶部郎中宦情恬澹
未幾引疾歸所居素園三十年絕迹公庭崇正未加
糧徵急有困寒者榷出數百金代為納之歲祲散賑
施棺諸多善行

國朝

李肯字元仲前明舉人雄偉有岸略聲如洪鐘初知孟
縣調良鄉擢山海道國初起濟寧道闖變後賊猶
未盡平肯勵將士擒獲輒盡法治之賊忿甚一日伺
肯出伏黨數十人於路猝出擊之左右胥駭散因被

執脇以利刃不爲動大罵不屈遂遇害事聞贈光祿寺卿廕子入監並祀都城昭忠祠

喬廷柱字芳一凌雲子少貧嗜學年十五登第選翰林庶吉士歷任文衡擢侍讀學士酌定州爲大學入庠廣額性恬素公事外閉門索居不隨時尙外轉例補臬司遽引疾歸晚號拙守山人年八十二卒祀鄉賢侯佐字東俾前明進士知建平合泐有循聲擢刑部主事調吏部考功司員外郎順治己丑罵賊不屈與父嗣晉皆被害祀鄉賢並祀都城昭忠祠

劉曰晏諸生事親孝順治己丑姜瓖之變寇且至依父

解州全志

卷之九

本州

人物

古

室
不去賊欺其孝而釋之比歿哀慕不忘八載不入妻

楊原澄字湛若順治己丑進士初授益都縣知縣陞兵部主事轉郎中補廣東僉事歷官勤慎以勞瘁卒原澄天性孝友接物平易祀鄉賢

馬淑援字亦波號澗庵近樂子年二十一中崇正己卯舉人順治三年會副初授福建邵武府推官丙午本省同考歷任四載舉卓異會奉裁改補杜門不復出淑援淹貫載籍纂州志爲一時文獻勤於課子科名

相繼

介舜年字雲樞一清曾孫夢龍孫順治戊子舉人汜水
知縣己酉本省同考性方正不可干以私友愛昆弟
周卹姻族教子孫咸登科第人以爲盛德之報

介孝璿字長褐松年子康熙甲辰進士授撰文中書轉
兵部武庫司主事提督江南蘆政尋卒工詩文有仙
才之目懷經濟未竟厥用人咸惜之

李興高字大生燉孫康熙八年貢初授湖廣澧州判陞
河南商水知縣慈祥風厲勤恤民隱居官三十年所
至尸祝

李峴壽字小高己未進士任涑水縣令風骨自樹不畏

解州全志

卷之九

本州

人物

五

疆禦振興文教賑濟飢民上官以臺垣薦尋病卒涑
人立祠歲時享祀

介孝瑞字輯五舜年長子乙丑進士戊辰殿試二甲候
選知縣性嗜學登第後杜門却掃著述自娛意氣象
爽賁志而歿士林惜焉子錫周孫玉潮相繼登科躋
卿貳列部曹克昌厥後云

介孝璿字衡玉舜年次子嗣椿年後康熙丙子舉人知
浙江海鹽縣甫九月遽卒於官孝璿承家學嗜讀書
以閱博聞旣舉於鄉窮年矻矻討論不輟嘗網羅州
境暨隸縣典實排纂成書而田賦鹽政利弊尤稱精

覈比筮仕能以經術飾吏治人胥重之

介孝璿字荆韜舜年三子庚辰進士選庶常轉編脩纂脩國朝功臣傳辛卯典試福建所拔多知名士評者有八閩文風駸駸日上之語坐闈中失察罷歸娛志詩書不與世務嚴氣正性戒飭子姪時以謹厚儉樸爲訓續修州志輯略尤工制義膾炙人口卒年七十有五

介錫祉字召似號學倉康熙辛卯亞魁海鹽令孝璿子幼承庭訓學識宏通四上公車不第天性肫摯篤於孝友家貧淡泊慷慨好義州守議建書院願輸百金

解州全志

卷之九

本州

人物

宋

不自知無以應也長子玉濤歷任劇邑著有循聲次子玉澤爲名諸生肅稟義方云

馬允尙字次呂淑援五子康熙甲午舉人知龍游縣清理積逋二十餘萬盡力搜剔宿弊頓除再調餘杭拯水患鋤豪惡政聲翕然旋解組歸囊橐蕭然惟攜書數篋而已

人物

南北朝

柳察躬從褰子為德清令世德廉孝颺於河滸士之稱

家風者歸焉

宋

董孝章真宗時十世同居見大明一統志舊志以為夏縣實州人

婁應字循之少負智勇尚氣節祖興起家於解不數年

遂致富盛元豐間邊鄙屢警朝廷命將出師應為解

戶籍首計家產過一縣之多科率比他處三倍應以

罄產為誓逮邊事少寧產已隳蕩八九未嘗有纖毫

解州全志 卷之九 本州人物

七

介意復自發憤整理家業不數年十倍於前會納粟

以贍邊備應輸貲授將作監主簿子三人授授益州

助教絢應進士舉官脩武郎純聰明豁達有父風孫

康慶州助教

金

南濤大定初貢士長於文學一時碑志多出其手

劉制文學與南濤齊名著述甚富尤工書

關漢卿工樂府著北曲六十本文致曰關漢卿如瓊筵

醉客 見通志

明

陳仲良洪武間貢際湖廣岳州府推官平恕清謹任滿
乞歸夫婦徒步行李自負焉

呂讓永樂間貢生以孝稱

尙淵永樂甲午舉人刑部主事文學有名

李濡正統甲子舉人歷掖縣曲周教諭爲廣文四十餘

年行檢端正

李福榮正統四年以捐賑旌門

楊孝忠辛莊村民正統六年詔富民出粟備荒政孝忠

指困輸一千四百斛無德色旌爲義民州守吳惠立

碑以誌之

解州全志

卷之九

本州

人物

文

孫志景泰間貢開封知事剛介自持無所屈撓

張習景泰間貢上林苑署丞陞苑馬寺丞居官勤儉

柳溥字子廣成化十三年貢鄆城縣丞練習馬政廉靜

自持

閻清字本澄成化二十一年貢在太學思親馳歸終身

不仕

呂簞字品器宏治六年貢江寧縣主簿有文學名

王卿宏治五年貢任登州衛經歷剛正無私不計利害

王玉瓚字子中正德十六年貢任武進縣丞立志堅確

問學該博尤長於詩祀鄉賢

李木字石巖嘉靖間舉人歷戶部郎中鄉人稱其孝友
侯得之歲荒賑粟七百石

李暹監生寧州吏目廉勤自勵

王詢好學明理性至孝嘗建祠堂歲率子弟修祀事

馬鳳鳴字腴田遠之孫萬歷三十二年貢官河南府知

事年九十餘謙恭自下鄉人重之

譚奇字讓吾萬歷間貢輸次教諭訓士有法品尤廉靜

李棟稟生以孝友稱主簿劉應鰲以好義著

孫維濟字屏所萬歷四十二年貢任長安教諭介直不

阿却暮夜金見陝西通志

解州全志

卷之九 人物

九

侯加纓字請廷恩貢授知縣以廉謹稱

李邦才字擴齋以儒學警異羣方脉遺太素尤精於

東垣十書診視罔不奇中以明經入太學當路相推

重以母老辭歸祀鄉賢

李師泌字唐賓天啟舉人制行端方卓然自立子樽增

生以孝行公舉

王毓麟字鍾宇明之子歲貢授漢陰知縣居家儉素銳

意讀書世業戴經因名其塾曰學禮館從學者甚衆

介元善字中含夢龍子崇正庚午舉人性孤高傲視一

世晚年居山不出壽七十九

李在公字魯生邦才子性至孝崇正癸酉舉人海門知縣卒於官

李衍祥字吉吾歲貢肥鄉縣訓導溫和公謹

張國選字懷雲成翼子問學博雅立身不苟歲貢授成

都訓導遷萬縣教諭

侯世汾字修之加乘子歲貢任通判 國朝順治初薦

舉人材交檄催迫謝病不行

趙曙字旭宇標長子例貢鴻臚寺序班性行真實事親

孝居母喪尤克盡禮又以官生讓季弟晟人多稱之

呂論廩生三婁村人事母孝祀孝義祠

解州全志

卷之九

本州

人物

二十

譚應春幼孤力耕事母以孝聞州守魏養蒙表其門

介一洲以醫濟世全活甚衆祀鄉賢

侯大本撫孤賑貧拾還遺金鄉里稱之又李通亦拾金

不昧

王梅與弟梯兄弟同居無間言梅子兆祥梯子兆吉遵

家法以友恭稱其後子孫繁衍同爨如故

王家侯庠生明季奇荒捐粟五十餘石貧不能葬者施

棺百餘具翰林喬廷桂表其墓

王旌召庠生性敦厚授徒以節義爲先一時遊其門者

多通儒忠烈趙躋昌其最著也孫宏登 國朝順治

丁酉賢書授朔州學正

國朝

侯世科字抑之加地子順治四年貢河南嵩縣訓導甫

四月丁內艱歸遂絕意仕進徜徉山水間以詩酒自娛州守稱其高數舉鄉飲

楊攀桂字月賓庠生性孝友才優學贍順治六年學政盧表其門曰謙尊而光舉鄉飲年七十五卒

楊愈節字柱瀾雲梯子順治九年貢少嗜學畜書最富寒暑不輟力追博雅甲申歲逆闖搆難考掠富室舊

家號曰比餉節以父雲梯曾令望江亦在比數中慈

解州全志

卷之九

本州

人物

五

辦百金往蒲輸限道逢廿一史內府物也見而悅之欲以輸金市從者力止之節曰極知比餉急使卽死亦已矣萬一不死而此書落人手豈非終身恨事竟買之賊帥聞釋不復比人號書滌著有閒吟集

李仙允字昌男康熙元年貢山東膠萊運判再轉揚州運判性情豪邁意豁如也

介元佑字右人歲貢高潔端亮與人交胸無城府尤喜文學士淹博能文著有歷朝統系藏於家

馬允邵字幼越淑援四子幼聰穎爲文閎博秀麗中庚

熙乙卯副車屢試不售遂絕意仕進好吟咏與弟龍

游令允尙極鍾篳唱和之樂舉鄉飲

李肅字斗南性孝友攻詩書家無擔石好義不倦州人思之爲立義士碑

王朴本姓朱蒲人徙于解冲夷高簡博通典籍州守江闔恒式其廬子彘銑州庠生琴書自得風韻翛然次龜筠字季光事母能孝曲體如意筠子鼎淳庠生克敦孝友待母疾六年不劬母歿廬墓三年昆季叔姪聞周卹備至其修潔孤高仍有先人遺風

介錫齡字昌裔孝璿次子嗣孝瑞後早負文名康熙辛卯舉人官河南西華知縣值水災錫齡力請郡守發解州全志

卷之九

本州

人物

三

賑民賴全活次年復旱盡力補哺焚香默禱恤監獄清案牘創設義學民風丕變旋以隣案波累落職歸棠蕭然尋以疾卒

李翔鶴字鳳屬與兄翔鵬同中康熙壬午舉人知行唐縣創設義學清理丁徭性仁厚不事鞭朴而摘姦發伏如神子勉字惠吉雍正庚戌進士歷知平番金縣隴西三縣陞署涼州府同知

馬齡聖字儀型淑媛孫性孝友讀書不爲章句教子若熊登賢書

趙昕州人運庠生富而好禮施濟不倦生七子俱嗣書

侯如礪字憲伯庠生學問淹通杜門不與世務力遵宋
儒格言執經者甚衆率皆成名

李瑗性孝友以歲貢選岳陽司訓教士先德行而後文
藝會書座右云居一官効一官之職位一日盡一日
之事先是瑗父倬有隱德嘗以誠敬訓瑗克承家學
張文驥字龍光縣丞隆慶庚午舉人張克明之曾孫意
氣慷慨人多感之

王善繼字繩先明贈光祿國訓曾孫以廩貢授潞安府
司訓尋以病歸居王官谷數十年未入公門好義樂
解州全志

卷之九

本州

人物

三

施多所賑恤乾隆己巳歲荒散粟百餘石以周貧乏
嘗捐修祠宇助建解梁書院設義學置田以供膏火
舉鄉飲大賓子天福天祿先後遊庠

王肫字仁齋例貢居鄉寬厚遇族黨婚葬事輒濟其匱
乏乾隆十三年大饑盡出積粟保全隣里甚衆

史恂字孚中歲貢任蒲縣訓導事繼母孝友愛異母弟
弟早卒撫遺孤如己出祖業盡歸之舌耕自給取與
不苟

介錫彤字勳侯孝璿三子幼穎悟絕倫讀書數行並下
爲文按唇立就博覽載籍質以疑難無不窮源究委

示之甫登鄉薦賈志以歿士論惜之

侯承衍字綿公乾隆六年貢孝友克敦取與不苟爲諸
生三舉優行撫孤姪皆克成立造就後學七十餘人
及歿門人立碑追慕之

李霖字時菴臨高知縣繩祖長子性至孝年十七隨父
任能左右助勸父卒於官踰山渡海扶柩歸里弟霽
候選縣丞慷慨好義倡議請建州中試院士咸禮之
董其錕庠生事親孝父母歿遊學河南逢令節必歸省
墳墓至老不衰課徒以誠卒多成就陝州人士咸思
其德歲時致祭云

解州全志

卷之九

本州

人物

四

陳居仁禮賢坊人家貧落魄負擔爲業事親孝雖菽水
必盡歡父嗜酒日進杖頭以悅其意怒而笞之跪受
不敢辭與弟居信及讓彌篤人呼陳孝子

張士彥力學致行早卒弟士品性敦朴務耕讀撫孤姪
廷璽登賢書州舉鄉飲辭不就

范秉正性孝友置義田贖孤姪還遺金州守彭表其門
杜克勤赤社村人勤儉起家喜施予康熙六十年出粟
四十石以贖隣里子于泗于漳克濟前美散麥爲穀

無吝色

馮宗文歲貢好學敦謹力追古人

增生孫雲鶴幼孤奉母至孝母日盲復明以上壽終人稱孝感又好賑恤州尉江歿無棺殮鶴助以衣衾有夢中拜謝之異

副貢李廷標生員張煊李希晟雷時呂叶官及雷恒呂叶商王建興王建盛蘇培湛歲貢李智俱以孝友稱生員姚受是貢生馬猶彪生員劉百孝監生胡吉相及張成範高好謙李紆賈士英俱以好義著

生員王翁字式好以長厚稱訓子中登賢書

趙俟命字居易敦本力行訓後有方子文烜登乾隆戊

午賢書

解州全志

卷之九

本州

人物

三

李鳴璋性孝友年十二卽自力田事母撫弟弟暱匪嚴飭之弟遂離璋璋恐傷母意誓不離弟及死且代爲輸逋仲兄遭訟璋復鬻產以濟之居母喪悲痛成疾乾隆四年州守彭欲旌其門璋力辭不受

劉雲顯行端好施鄉民失糧鏹欲自盡雲顯細詢其數貸以己金又贖回貧人鬻女且給以粟年八十無疾卒

耿復恭五世同居學使州守並表其門

雷潛雷家坡人敦本好義有典地四十餘畝價值四百

金遺命子貢生傳道助入解梁書院爲膏火資

曹淵深泰康坊人事繼母閻如所生閻病癱目盲淵深
晝夜扶持躬侍溲溺無倦色

霍重光候選經歷賦性醇厚康熙五十二年歲歉散穀
百餘石以賑



解州全志

卷之九

本州

人物

美

晉書卷之九

卷之九 本州 人物 美

列女

宋

柳世隆妻閻氏世隆應宋明帝爲孔道存所敗衆散逃
隱道存購之甚急軍人有貌相似者斬送之時閻氏
與世隆母郭氏並繫襄陽獄道存以送首示之郭氏
見首悲情小歇而閻氏號叫方甚竊謂郭曰今見不
悲爲所覺惟當大慟以滅之世隆竟免

隋

蘭陵公主字阿五文帝第五女也適河東柳述時年十

解州全志

卷之十

本州

列女

一

六事舅姑甚謹遇疾必親奉湯藥帝聞之大悅由是
述漸見寵遇及帝召太子舅晉王矯詔執述繫獄文
帝崩述徙嶺表煬帝令與述離絕將改嫁之公主以
死自誓不復朝謁表求免主號與述同徙帝大怒曰
天下豈無男子欲與述同徙耶主曰先帝以妾適柳
家今其有罪妾當從坐帝不悅主憂憤卒時年三十
二臨終上表云生不得從夫死乞葬柳氏帝覽表愈
怒竟葬主於洪瀆川資送甚薄朝野傷之

襄城王楊恪妃柳氏循州刺史柳旦女姿貌端麗年十
餘以良家子合相聘爲妃未幾恪被廢妃修婦道事

之愈敬煬帝嗣位復徙邊令使者殺恪於道與如訣
如曰若王死妾誓不獨生於是相對慟哭恪死棺斂
訖如謂使者曰妾誓與楊氏同穴若身死得不別埋
君之惠也遂撫棺號慟自經而卒見者莫不流涕

裴倫妻柳氏倫爲涇源令大業末遭薛舉之亂城陷氏
義不受辱同二女投井死

唐

裴淑英裴矩之女適李德武踰年德武坐事徙嶺南矩
上表離婚德武亦謂淑英曰我無還理汝必配他族
淑英曰夫天也而可背乎願死無他志因操刀欲自

解州全志

卷之十

木州

列女

二

割保者禁之弗得自是貌日瘁後十餘年矩潛許嫁
柳植淑英聞之斷髮不食矩不能奪比赦還夫婦如
初新唐書有傳

柳仲郢母韓氏僕射暉之女也適兵部尚書柳公綽善
訓子仲郢幼而嗜學嘗和熊膽丸使夜咀嚙以助勤
苦

明

解謙妻趙氏年二十夫亡矢守壽七十餘成化六年旌
表

張清妻馬氏永樂間太宗北征清隨軍運糧卒於漢北

馬年二十七或憐其貧令改適氏不從紡績養舅姑
撫二女適人壽八十有三卒

生員李瑾妻張氏瑾卒遺子三氏守節育子課讀成名

長子濡正統甲子鄉舉次子淪成化間貢氏年八十

三卒

費旺母楊氏夫亡兄受人財強再嫁尙矢節寧受笞不

從

張瑞妻劉氏年十九夫亡有遺娠越五月生子良食貧

撫孤艱辛萬狀六十餘歲卒

王進妻張氏年十六夫亡撫遺腹子永昭守志節孝養

歸州全志

卷之十

本州

列女

三

舅姑終始如一鄉黨稱之

譚廷誥妻邱氏年十九夫故子應春甫歲餘氏守志撫

孤備嘗艱苦應春能自立事母以孝聞司理黃希周

贈以詩曰孤貞耿耿金石烈雅節亭亭星斗寒州守

樊問仁爲刊詩墓碑

馬秉德妻張氏適馬月餘地震夫罹災氏誓死守志撫

遺腹子員娶婦生孫未幾員又歿氏與媳董氏砥志

育孫雖遭摧折終始不撓

生員李大芳妻程氏刑部郎中鵬之女也幼聰慧嗜讀

書長適大芳年二十三而寡撫遺腹子椿亭爲德望

土椿亭卒諸孫皆幼氏口授經書從師講學考校勤惰卒造有成氏能琴夫亡終身不再鼓

生員耿四目妻張氏夫亡姑憐其少令他適氏佯順姑意曰母老且病子既不存婦當代養俟母百年後嫁未晚也後年餘姑卒紡績自給堅守以終

生員高盛妻尙氏 馬健妻樊氏

生員史鵬妻高氏 生員展觀妻喬氏

李海妻郭氏 生員楊蓁妻耿氏

李威妻衛氏 范巖妻郭氏

郭濟妻馬氏 張學妻相氏

解州全志 卷之十 本州 列女 四

樊景妻李氏 喬政妻衛氏

趙豹妻王氏 生員張徽妻胡氏

裴學妻邱氏 主簿焦孟正妻董氏

孫膺寵妻侯氏 李文輝妻劉氏

國朝

生員柳星妻邱氏順治己丑姜逆之變賊入柳室夫婦同受拷掠索金帛氏給賊曰有衣飾埋井旁窖中可同取免死賊信之既至其地又給賊曰可暫寬我夫我則不能飛去也夫得脫急攜幼女投井中死

生員李宗高妻王氏于歸數月宗高省父維揚卒氏年

甫十六哀慟幾絕撫姪曠嗣夫後服縞茹素足不踰
闕內外吉凶事一不與或慰之答曰我神死久矣勉
畱形氣保孤耳十餘年曠冠將議婚而氏疾力疾完
姻曰吾今可以見夫矣旬日而卒

知縣李應高側室張氏知書法通女孝經爲女時荒年
自鬻以活父母應高死誓殉家人防之遂不言忽於
葬應高之前自經州守萬象旌之江闈爲之立傳

生員楊若彝妻馬氏年二十五夫亡撫子鳳娶婦游庠
尋亦夭媳魚氏共姑守志兩世苦節終始弗渝

生員呂周佐妻畢氏志撫孤子帝簡妻王氏殉夫死

解州全志

卷之十 本州 列女

五

節當事咸加旌獎

生員姜任周妻李氏年十九夫亡姑盲子在抱己丑姜
逆之變奉姑攜子遷徙無常於流離患難中事姑無
失禮州牧旌其閭

魚門馬氏年十八夫亡子未彌月姑病癱歲荒或勸改
節氏正色絕之與姑同臥疫癘不染人咸異之

生員介孝珪妻辰氏年十九夫亡子倜幼姑遭疾醫藥
罔效氏素禮大士像恍聞告語曰非腕肉莫療氏卽
割一瓣進姑病尋愈學使李觀旌曰盡孝完正

李順妻任氏順愚貧無寸土會歲凶姑謂氏曰我母子

固卽死累汝何爲汝宜自爲計氏哭曰餓死命也寧
在一處死耳掃蕩藜刮樹皮且爲富家傭女工與之
食必懷以遺姑雖饑不忍食也姑近八旬患癱瘓氏
進飲食侍溲溺晨夕無間姑歿將葬會霖雨氏率夫
跪泥淖中哭告鄉里人感其孝咸爲之助頃刻成墳
李鵬翹妻介氏夫亡氏年十九無子女苦節純孝撫叔
鵬翼子爲嗣乾隆十年建坊旌表

高淑元妻尙氏年十五歸十六夫亡無子女舅姑相
繼卽世氏代夫終喪誓死守志氏未讀詩書節烈性
成其父固庠生也嘗以古列女相勗父以爲難氏以
解州全志

卷之十

木州

列女

六

爲易乾隆十九年旌

楊文煜妻王氏年十八夫亡子大材未週歲上事翁姑
無失禮撫子成立子又夭折氏同媳李氏共矢清操
撫育弱孫乾隆十九年旌

張永福妻劉氏張永壽妻王氏張永喜妻耿氏一門三
節俱享遐齡州守彭洙獎以匾劉曰真操首榜王曰
節映後先耿曰婺曜參光

生員王玉潤繼妻郭氏卽舊志所載節孝王銘妻趙氏
之兒媳也年十七于歸撫前妻子如己子二十五歲
夫亡生子尙幼矢苦節教二子縉紳相繼入庠

蘇友高妻王氏孝事孀姑姑病癱氏晝夜扶持手除穢
溺友高久商不歸殯葬皆出氏手年九十二方卒人

以為孝感云

生員侯永徵妻相氏舉人侯戴經之母也無立錐苦節

自勵老婢羅氏感其誠負薪操作相依為命人尤難

之

張延妻王氏子淑世妻平氏兩世孤孀後先繼美玉年

八十而卒平年七十而卒

費宗耀妻趙氏年二十四夫亡翁姑憐其少欲嫁之氏

流涕曰翁姑年老朝不保夕既無子尚堪無媳耶誓

解州全志

卷之十

本州

列女

七

死守志

生員王豐功妻胡氏初豐功以家貧欲廢讀氏曰因貧

不讀不讀未必不貧夫亡能以節著

衛紹康妻馬氏弟繩康妻張氏一門雙節又生員李曜

妻介氏與弟李曠妻馬氏生員李琛妻王氏與弟李

珣妻趙氏生員姜惠春妻李氏弟姜哲春妻高氏妯

娒俱秉正操

高獻妻鐵氏年二十四夫亡遺子毓芳甫一歲食貧守

志年六十五卒其族孝廉高大儒挽詞有鐵氏之心

真似鐵之句

序班趙曙妻尙氏

王懋功妻劉氏

知縣侯聚貴母趙氏

生員辰安世母侯氏

王淑琳妻喬氏

李璘妻楊氏

劉明琪妻李氏

王理妻張氏

趙秉忠妻劉氏

王申生嗣母喬氏

貢生李鼎嘉繼妻王氏

衛諸村某妻李氏

失夫姓

呂汝翼妻胡氏

訓導焦植妻侯氏

史棟妻李氏

王銘妻趙氏

趙欽普妻馮氏

貢生董世皞妻李氏

李俊升妻郭氏

生員張佩豸妻展氏

解州全志

卷之十

本州

列女

八

王之甬妻邸氏

生員孫呈墀妻董氏

侯偃妻史氏

鞏維屏妻王氏

生員趙璨塗妻尙氏

生員南居恭妻鄭氏

運庠生高岱妻姜氏

杜作楹繼妻周氏

鄭皞繼妻劉氏

魚曰典妻侯氏

楊長生妻許氏

趙畏命妻馮氏

趙二辰妻張氏

楊蘊美妻靳氏

張為炳妻李氏

費大明妻劉氏

馬崇慶妻楊氏

相國瓚妻王氏

生員薛奕清母張氏

蒲奔慕妻張氏

陳國相妻郭氏

王省妻張氏

王德修妻劉氏

生員劉永明祖母李氏

生員張遂妻李氏

雷兆豐妻馮氏

李正高妻侯氏

以上俱守志節載列舊志

上官聚妻王氏

生員

呂友召母李氏

生員南斗燦妻閻氏

張遵先妻趙氏

王好詩妻岐氏

關守法妻陳氏

趙封陳妻謝氏

王九垓妻董氏

王惠廸妻安氏

李時新妻趙氏

解州全志

卷之十

本州

列女

九

蒲虞京妻侯氏

袁帝梁妻張氏

馬允釐妻上官氏

李朝柱妻邱氏

曲可喜妻閻氏

耿聖諭妻楊氏

王恪妻尙氏

楊冲霄妻孫氏

生員譚士鈞妻喬氏

生員王泚妻鞏氏

縣佐趙度繼妻焦氏

閻鼎立妻李氏

趙啟運妻程氏

馮淑翼妻郭氏

衛元瑞妻白氏

李涓妻郭氏

王重才妻劉氏

王諭妻李氏

胡大仁妻薛氏

李克敦妻王氏暨媳針氏

張民戴妻劉氏

魚克寧妻咎氏

張珍妻王氏

生員馬喆生妻侯氏

高起忠妻張氏

李濟淙妻高氏

馮擴祖妻景氏

胡臨元妻閻氏

趙子雲妻高氏

生員王甫生妻趙氏

王應選妻梅氏

曲維明妻張氏

王顯周妻趙氏

李文妻曲氏

靳維忠妻張氏

李宗唐妻史氏

劉廷柱妻史氏

張兆瑄妻竇氏

張廷璉妻許氏

張知本妻趙氏

解州全志

卷之十

本州

列女

十

曲魁妻呂氏

呂招賢妻姚氏

張尊美妻楊氏

李傑妻張氏

王秉濬妻平氏

李鳴璫妻杜氏

程頌妻張氏

李領勇妻薛氏

李萬珍妻張氏

李起德妻賈氏

張義妻王氏

耿敬先妻李氏

譚士鏊妻胡氏

李維修妻張氏

白呈炫妻侯氏

孫大定妻張氏

李維迪妻陳氏

王穩繼妻刁氏

李皎妻陳氏

介玉汾妻耿氏

生員介惟幾妻孫氏

魚守仁母馬氏暨妻衛氏

鄭福有妻樊氏

平大儒妻劉氏

生員樊智妻侯氏

張大志妻石氏

雷恒繼妻趙氏

呂伯一妻尙氏

王賜璠妻景氏

喬欏妻孫氏

楊至剛妻耿氏

劉日藩繼李氏

李欽唐妻蔡氏

介掄功妻王氏

生員呂友榮繼妻杜氏

侯不應妻趙氏

生員柳春光妻趙氏

生員介紹綿妻喬氏

生員張逸妻王氏

呂成文妻高氏

解州全志

卷之十

本州

列女

十一

生員張師适妻李氏

張齡妻周氏

張成賓妻李氏

王抱妻邵氏

魚思政妻李氏

生員譚詔妻馬氏

張文郁妻楊氏

介元柱妻李氏

王大賢妻趙氏

楊廷彥妻賈氏

焦成善妻董氏

孫國旺妻王氏

馬中駿妻李氏

楊侃妻趙氏

呂欽帝妻杜氏

介掄紉繼妻姚氏

生員王應麟妻呂氏

生員王亨妻馬氏

李志善妻王氏

生員霍永輝妻扈氏

王君錫妻趙氏

趙永祿妻時氏

呂敷猷妻邵氏

生員介彭齡妻陳氏

雷澤妻趙氏

李博妻趙氏

介創基妻張氏

柳聚鳳繼妻王氏

魚兆理妻王氏

段世宗妻陳氏

閻煥章妻張氏

呂敷治妻崔氏

以上俱守志節克孚輿論

相宏度妻霍氏

上官綿妻李氏

李淑麟妻李氏

趙文正妻趙氏

姜維祚妻薛氏

王萼妻陳氏

解州全志

卷之十

本州

列女

三

雷從健妻耿氏

耿尙志妻劉氏

侯伯妻張氏

生員江啟新妻岐氏

閻所守妻趙氏

張秀妻任氏

李大明妻高氏

主簿王秉禮妻郭氏

邢寶妻王氏

趙朝義妻耿氏

斷指守節

張廷芳妻王氏媳馬氏

李元臣妻尙氏

馬星燦妻楊氏

邵允文妻馬氏

楊廷棟妻程氏

李的妻董氏

姜篤妻張氏

王鎮妻周氏

侯澤周妻馬氏

張如璧妻王氏

生員高學孔妻相氏

劉振威妻馬氏

魚拱參妻上官氏

生員呂廷璧妻張氏

張星弟妻李氏

趙焯妻李氏

趙四成妻許氏

朱大志妻張氏

王延生妻侯氏

柳法朝妻趙氏

高唐學妻李氏

介必端妻李氏

平安世妻李氏

馮發隆妻杜氏

喬發福妻高氏

趙宗伋妻介氏

生員王子映妻張氏

王子暎妻朱氏

曲廷棟妻馮氏

范育妻雷氏

解州全志

卷之十本州

列女

三

劉宗漢妻徐氏

王本福妻黃氏

解明緒妻李氏

張建德妻王氏

李義壯妻侯氏

張永靖妻王氏

姚添喜妻馬氏

王思妻黃氏

張秉仁妻李氏

相振河妻劉氏

李種周妻安氏

史賡凱妻王氏

相喬年妻鞏氏

薛守普妻陳氏

張永振妻王氏

劉主敬妻張氏

雷洋妻上官氏

葉文學妻趙氏

裴義得妻施氏

李濟甲妻耿氏

謝璣妻耿氏

張張妻楊氏

李枝發妻王氏

李枝貴妻高氏

李廷俊妻周氏

朱學思妻胡氏

楊金虎繼妻秦氏

高大增妻呂氏

閻修妻樊氏

張起林妻邱氏

生員曹瀚妻胡氏

劉可度妻李氏

王本禮妻曲氏

韓宗謙妻景氏

侯星蛟妻王氏

南緒充妻張氏

介孝玥妻王氏

閻玠妻呂氏

王琦妻張氏

高毓密妻李氏

解州全志

卷之十

木州

列女

十四

李育妻孫氏

李象瑄妻王氏

楊魁成妻王氏

朱恩德妻張氏

馬中驛妻楊氏

梁玉社妻費氏

朱天養妻劉氏

葉必發妻蔡氏

寇以桓妻喬氏

寇以蒲妻蔡氏

楊效閔妻姚氏

蒲士周妻孫氏

張錫壚妻徐氏

張季玉妻南氏

李廷璧妻辛氏

耿丕著妻馮氏

馬士直妻張氏

王扶妻陳氏

張知顯妻姚氏

馬斯才妻李氏

魚汝霖妻李氏

侯惟誠妻李氏

暢克立妻趙氏

李壯梅妻張氏

孫習書妻魚氏

胥王金妻張氏

王九鼎妻路氏

耿學仁妻苗氏

段大成妻狐氏

高建唐妻荆氏

劉振壽妻趙氏

馬中驎妻葉氏

介致璜妻王氏

閻科妻張氏

楊卓妻景氏

張煦妻高氏

張潤妻狄氏

王再造妻譚氏

雷慶妻上官氏

王效游妻李氏

解州全志

卷之十

本州

列女

五

譚司源妻趙氏

劉允正妻何氏

相世孝妻喬氏

王素妻荆氏

段永健妻衛氏

呂鵬年妻賀氏

張起教妻王氏

生員王應祥妻趙氏

王信妻常氏

王玉妻趙氏

趙司濂妻王氏

趙維翰妻喬氏

馮宗周妻介氏

張廷瓚妻任氏

李天賜妻張氏

趙誠義妻李氏

展迎禧妻景氏

葉作貞妻薛氏

王思明妻展氏

介必明妻喬氏

鞏廣勲妻趙氏

王紹帝妻秦氏

魚兆錫繼妻薛氏

侯一代妻張氏

侯立邦妻劉氏

邵自成母潘氏

胡天寵妻王氏

王重才妻劉氏

邱公良妻崔氏

王菁莪妻李氏

子砥監生

姬月桂妻李氏

生員王篤慶妻吉氏

以上現守志節年例相符

解州全志

卷之十

本州

列女

六



王... 志節年例相符

生員王... 妻吉氏

侯... 妻劉氏

邵... 母潘氏

邱... 妻崔氏

王... 妻李氏

姬... 妻李氏

王... 妻吉氏

魚... 繼妻薛氏

侯... 妻張氏

鞏... 妻趙氏

王... 妻秦氏

解州全志卷之十一

本州

古蹟

解梁故城

在州西六十里左氏晉惠公賂秦以河外五城內
及解梁杜注卽今河東解縣地按顏師古註解
音蟹或曰解以蚩尤體解名或曰州治古有迎薰
閣鹽池內傳有舜彈琴處蓋取解阜意或曰三門
未鑿地皆水號渤澥水去多澤梁故曰解梁渤澥
海別枝也衆水所歸也解東有鹽池當黃河曲處
有輿衍一區天產瑞花舊名海眼柳州所謂神液

解州全志

卷之十一

本州

古蹟

一

陰澆孕靈富媪其賚天下與海分功者此也 章
懷註解縣屬河東郡故城在今蒲州桑泉縣東南
路史故解城在桑泉之南虞鄉東三十里水經注
涑水又西南逕解縣故城在今臨晉縣西南三十
里五姓湖北其跡至今猶存考後魏分南北解南
解虞鄉北解臨晉臨晉卽桑泉皆非今治然則故
城當在臨虞間也

白城

左傳僖公二十四年秦伯納公子重耳濟河圍令

狐入桑泉取曰衰杜註桑泉在河東解縣西解縣

東南有曰城後漢書解有曰城博物記曰曰季邑
苦城

在鹽池東北王符曰卻攀采於苦曰苦城

張城西張城

王符曰河東解縣有張城西張城

安定故縣

魏太和元年析解縣置

解縣舊治

州治北秦康坊舊廣慈寺東

紫泉監

解州全志

卷之十一

本州

古蹟

二

唐志解有紫泉監乾元元年置

權鹽院

在州治西五代漢置

風后故里

黃帝得風后於海隅登以為相解始名渤海後去

水為解相傳海隅即今解池西南隅

關聖故里

州東十八里常平下馮村今建廟相傳廟即聖舊

苦居有塔屹立

關聖遺像碑

在
西門外廟內相傳爲 關聖五十三歲真容漢

建安年間所寫面有七痣鬚髯則稀疏而滿頤海

內敬奉摹搨日不暇給舊碑模糊乾隆二十七年

知州言如泗重摹上石州庫內藏漢壽亭侯玉印

玉質斑駁篆文古勁與石刻並重云

甘泉亭

在州西關廟中其井二眼味甚甘後人建亭其上

又均惠亭在州南門外今俱廢

梅花堂

州治後明成化末知州張鉞建宏治九年知州李

解州全志

卷之十一

本州古蹟

三

溥題

潺湲亭

在州治解宇後宋有史氏父子相繼刺州建亭引

水詳見藝文

迎薰閣

在南城上宋元祐間張杲之張硯俱有詩今廢

唐重修池神祠頌碑

貞元十三年四月知解縣池陸位安邑池韋繼勣

碑崔敖撰文

宋翰林學士王禹偁題鹽池碑

淳化四年孟夏禹偁自商洛移刺解州會宗人太常博士王侗領池事題五言律一章并序大中祥符三年四月一日刻石元至元癸酉夏五月二十三日承直郎總判平陽路事汲郡王惲得壁間王黃州所題解池詩因和詩三章時借武畧將軍解州達魯花赤玉節武畧將軍知州張慶安進義校尉判官張居仁模刊宋元兩原碑俱嵌州署壁詩載藝文

元潁川忠襄王廟碑

在州城南隅至正中孫著撰文云王名察罕帖木

解州全志

卷之十一

本州

古蹟

四

兒字廷瑞沈邱人歷官中書平章政事知河南山東行樞密院事陝西諸道行御史中丞至正十四年破汝南妖賊於安邑南原又明年破賊於聞喜解人立廟豎碑

元重修鹽池廟碑

延祐元年春三月重修翰林學士王緯承詔撰文

坊表附

關聖故里坊

在西門內乾隆二十九年知州言如泗建

少保坊

爲前明進士太子少保兵部尙書李春光立今廢
河東文獻坊成李本盛立亦斷續今廢

爲明鄉賢王文等立在東門內知州言如泗稼建
父子錦繡坊吳景淵立亦泰康坊今廢

天俱爲前明尙書趙欽湯子太僕寺正卿趙標立在
泰康坊今廢

方岳坊即舉人陳王叔昇史顯士裔立亦泰康坊今廢
爲前明進士浙江布政使司鄭國俊立在泰康坊

今廢

代天巡守坊

解州全志

卷之十一

本州古蹟

五

爲前明進士太僕寺卿巡按王明立在泰康坊今
廢

良二千石坊

爲前明舉人荆王府長史馮士奇立在泰康坊今

廢

天朝耳目坊

爲前明御史展昭立在泰康坊今廢

師帥分猷坊

爲前明同知李本盛立在禮賢坊今廢

河東三鳳坊

爲前明進士侯居良侯居坤舉人侯居震立在鎮山坊今廢

寺萬里飛鵬坊

爲前明舉人李濡立在禮賢坊今廢

洛陽年少坊

爲前明進士太常寺少卿孫維清立在鎮山坊今廢

一鶚凌雲坊

爲前明舉人李師泌立在禮賢坊今廢

節孝坊

解州全志

卷之十一

本州

古蹟

六

爲前明廩生李瑾之妻張氏立在禮賢坊今廢

尙義坊

爲前明義民李通立在禮賢坊今廢

孝子坊

爲前明孝子譚奇立在禮賢坊今廢

節孝坊

爲國朝李鵬翹之妻介氏立在衛諸村

寺觀附

興福寺

在州治西北崇寧坊宋乾興元年建明洪武間置

此僧正司併廣慈石牛二寺入焉歲久圯移建城隍

廟街西更名新寺

靜林寺

在州西二十里中條山陰唐乾寧中錫名妙覺宋

太平興國三年名靜林山天寧寺慶歷中僧普

真增修元祐三年人將作監主簿婁應父子與

僧洪濟元杲繼修河東縣主簿王基記元至正三

年重修寺僧海邱暨澄記國朝雍正九年州守

許日熾重修州人檢討介孝璫記寺有羅漢洞後

有閣在崇巖上紅臉溝泉自寺東偏山頂流遶而

解州全志

卷之十一

本州

古蹟

七

北四圍皆古栢蒼松夕陽入林霞光映射杜陵所

謂松門似畫圖也

歸起寺

在州西北三十里三樓村元魏間建歷代重修近

建三樓故其里因以三樓名焉

石牛寺

在州東北三十里趙村俗名趙村寺元至正間建

明萬歷三十三年修州人侯亮子記國朝康熙

二十六年重修州人王念祖記

洪福寺

在西曲樊村金大定三年奉勅建有碑

僧禱寺

古稱靜林下院在長江扶北

太清觀

在州治西北崇寧坊巷北有太極殿今廢

崇寧宮

在州西門外關廟左元至元三年姜真人建明洪

武間置道正祠嘉靖三年道正楊衍澄增修

元帝殿

在州治北泰康坊街東

解州全志

卷之十一

本州

古蹟

八

三清殿

在關廟崇寧宮左久圯康熙九年知州陳士桂修

建郡人通判侯世汾記

大士殿

俗稱十二老姥廟舊在五龍峪東麓爲州人侯氏

香火乾隆二十七年知州言如泗移建城西功德

祠後

林墓附

漢博陸侯霍光墓

在州治東禮賢坊有大塚巡鹽御史張士隆宋廷
佐題石 國朝乾隆二十七年知州言如泗重立
墓門按山西通志霍光墓在浮山二十里平寧里
長安志以霍光陪葬咸陽武帝茂陵之左今當以
茂陵陪葬爲確在本州者或後嗣思築云

漢關聖先塋

在州東十八里石磬溝三面條峰前臨巖海深藏
雄秀實爲誕聖靈區墓麓有關聖祖塋墓道碑又
里許有常平村古廟相傳爲關氏祖宅有塔屹立
金大定十七年里人王興重修有碑記每歲清明
十月朔知州親祭塔下有井俗稱關聖避難出亡
時其父母沉葬於內後人建塔表之墓址東至黑
嘴懷西至發鼓臺南至青石坂北至石梯子

晉司空王卓墓

在州西門外大路南按舊志卓字世盛太原人爲
河東太守遷司空封猗氏侯年七十九薨屬劉石
亂不克歸喪遂留葬焉又按省志人物傳漢有王
卓字仲遼河東解人陽嘉三年以光祿勳代孔扶

爲司空未知孰是

魏西河郡守贈晉州刺史裴欣墓

欣卒子俠將擇葬地號泣而行空中有人曰童子何悲葬於桑東封公侯俠懼以告其母母曰神也吾聞鬼神福善爾家未嘗有惡當以吉祥告汝耳時俠宅側有大桑林因葬焉

唐衛大經墓

在州西北按說郛云衛先生名大經州人以文學聞不狎俗閉關謝絕人事生而穎悟周知天文隱象窮冥索元以壽終墓於大梁之野唐開元中姜

解州全志

卷之十一

本州

古蹟

十

師度奉詔鑿無鹽河刻室廬潰邱墓甚多至衛寃生墓前發其地得一石刻銘詞曰姜師度更移衛向三五步工人得之以狀言於姜姜異而嗟歎卽命遷其河遠墓數十步

宋監簿婁應墓

在州西南二里中條山陰元祐七年二月七日歲申葬應曾修靜林寺見碑記

元宣撫司儀肅墓

在州西北十六里侯村附葬祖塋翰林待制陳學記石碑猶存知州言如泗重爲清址

元河東郡公伯德那墓

在州北二十里曲樊村

元平章政事察罕墓

在州北五十里

元岐裕齋墓

在州西北四十里三張村

明刑部司務馬恕墓

在州北小張村西

戶部尙書趙欽湯墓

在州北三十里南扶村

解州全志

卷之十一

本州

古蹟

七

延綏巡撫李春光墓

在州南二里

太僕寺卿趙標墓

在鹽池禁門右

太僕寺卿王明墓

在西胡村黃花峪口

贈光祿寺卿王國訓墓

在胡村南

延安府知府介一清墓

在州東北大張村

封太常寺少卿孫禮墓

在靜林寺西箭幹嶺

太常寺少卿孫維清墓

在五龍峪西南

贈中憲大夫侯畛墓

雲南道監察御史侯居艮墓

太僕寺少卿侯居坤墓

臨城縣知縣侯加恩墓

興安州知州侯加乘墓

俱在州西閻家村南

解州全志

卷之十一

本州古蹟

七

關南叅政道李瑱墓

在城西南二里

泗水縣知縣李議墓

在城南

寶豐縣知縣李汝藩墓

在南山任家溝

鞏縣知縣贈中憲大夫侯居震墓

遵義道侯加采墓

三水縣知縣侯加纓墓

俱在白龍峪口

蒲城縣知縣李瑤墓

贈苑馬寺陝西安定監監正李廷柱墓

俱在鎮山門西

苑馬寺陝西安定監監正李翀霄墓

在東胡村西山下

順天府司李侯加地墓

連山縣知縣侯世胄墓

俱在州南狄子峪口

灤州知州劉從仁墓

在城北稍池北岸

解州全志

卷之十一

本州

古蹟

三

海豐縣知縣劉志仁墓

在城南

戶部員外郎介夢龍墓

在州東北大張村

贈戶科給事中介元正墓

在州西閻家村

三水縣知縣侯臣墓

在桃花洞東

贈狄道縣知縣侯邦寧墓

狄道縣知縣侯命墓

俱在州城南阡

莊浪兵備道李希樸墓

在郊斜村南

孝廉介元善墓

在城南山麓

戶科給事中介松年墓

在靜林寺西

封合肥縣知縣侯嗣晉墓

吏部驗封司員外郎侯佐墓

俱在寺下村東南

解州全志

卷之十一

本州

古蹟

古

國朝翰林侍讀喬廷桂墓

在硝池北岸

蒙城縣知縣孫啟烈墓

在靜林寺西南山底

邵武府推官馬淑援墓

龍游縣知縣馬允尙墓

俱在州東北龍駒村北

汜水縣知縣贈太僕寺少卿介舜年墓

翰林院檢討介孝璵墓

俱在州西郊斜村

海鹽縣知縣介孝璿墓子舉人錫祉墓

贈太僕寺少卿介孝瑞墓

俱在州西閭家村

商水縣知縣李興高墓

宜黃縣知縣李應高墓

俱在桃花洞

封平番縣知縣李樛墓

行唐縣知縣李翔鶴墓

俱在喬家莊

定海縣知縣侯宜人墓

解州全志

卷之十一

本州

古蹟

七

在州西閭家村南

邵陽縣知縣侯萬里墓

在州南荻子峪口

兩當縣知縣侯聚貴墓

在桃花洞

封碭山縣知縣李高墓

平涼府同知李本盛墓

隴西縣知縣李迪墓

俱在南山底攏坡

漏澤園

附

在城西門外五龍堰北

解州全志

卷之十一

本州

古蹟

六

祥異

有虞時景星出房慶雲興百工相和而歌帝乃載歌南

風

夏得水德青龍止於郊草木鬯茂

周晉師曠時玉龜出河東之涯

漢景帝後二年大旱

哀帝建平元年十二月白氣出西南從地上至天出

參下貫天厠廣如一匹布長十餘丈十餘日去

安帝永初六年河東池水皆赤如血

桓帝建和元年木連理有嘉瓜兩體同蒂

解州全志

卷之十一

本州

祥異

七

永壽二年七月地裂

靈帝建寧四年五月雨雹地裂十二處

晉武帝泰始四年雨雹地裂

太康元年三月霜雹傷桑麥

愍帝建興元年地震雨肉

後魏普泰元年歲星熒惑填星太白聚於觜參

唐高祖武德七年旱

太宗貞觀二十三年八月地震

元宗開元十二年早上親禱雨宮中設壇席暴立三

日

代宗大歷七年十二月有長星出於參下其長亘天
廣德九年六月戶部侍郎判度支韓滉奏鹽池生乳
鹽 十二年冬十月兩池生瑞鹽乃置祠號寶應靈
慶池

宣宗大中六年彗星出於參背

僖宗乾符三年秋河東諸州多鼠穴屋壞衣三月至
八月止

光啟元年七月解縣生草葉自相膠結如旌旗之狀
時人以爲旗子草 二年七月中條山鵲焚其巢
三年七月中條山鵲復焚其巢

解州全志

卷之十一

本州

祥異

六

宋開寶三年解州水害民田

淳化三年旱

景德九年蝗飛翳空及霜寒始斃

大中祥符三年八月解州鹽池紫泉塲水次二十里
許不種自生其味特嘉命屯田員外向敏中往祭池
廟

仁宗天聖三年十一月解饑發粟賑之 七年池水

漸涸鹽花不生有司具奏上聞遣使往覘之報曰蚩
尤作祟召龍虎山張真人請 關聖討之池水如故

鹽花復生命有司修葺祠宇歲時致祭

至和二年自春隕霜殺桑

徽宗政和元年五月丁亥解池生紅鹽

宣和七年地震有裂數十丈者

金熙宗皇統二年秋大熟

元至元八年解州好蚘生

延祐四年正月解州池水敗鹽 六年解池瑞鹽結

秀

大德七年地大震

致和元年二月癸亥解州鹽池黑龍堰壞

至順四年解池預期呈秀有勅賜瑞鹽碑勒石於廟

解州全志

卷之十一

本州

祥異

五

至正十九年五月蝗羣飛蔽天人馬不能行蝗落處
溝塹爲平

明正統六年大饑黑胄見民間夜擊銅器以禱之

成化二十年秋大旱人相食

宏治十年鹽盛生

正德六年解州鹽花盛生巡鹽御史疏請春秋二祭

御製祭文鐫石 十四年春三月晝晦對面不辨逾

時始霽

嘉靖七年自春二月至秋八月不雨 十一年大饑

十一月虎入禁垣踞池神廟 十二年有龍起鹽池

中 十三年十月星隕如雨 二十一年午時晝晦
二十四年十二月地大震 三十二年鹽花盛生
三十四年十二月十二日夜半地大震有聲如雷
三十五年六月黑靄見中條麓介谷夜半山鳴如
雷

隆慶四年大水衝決鹽池

萬歷十三年春隕霜大旱詔免夏稅十之七 十五

年大饑詔發帑賑濟 十七年大有年 二十五年

井水如沸池水無故自溢 二十八年饑 三十三年

年無禾 三十四年無禾 四十四年飛蝗蔽天食

解州全志

卷之十一

本州

祥異

三

禾立盡七月螭生寸草不遺 四十五年五月復旱

蝗 四十六年有年然大疫死相繼

崇正五年七月大雨四十日敗屋水決鹽池 七年

夏有流星出參宿間有聲紅光如縷直垂至地良久

方滅大旱 八年旱月赤如血 十一年七月蝗飛

蔽天傷禾立盡 十二年蝗螭大傷禾 十三年大

饑 十五年六月地震

國朝順治元年日有五色祥光 二年大旱自三月不

雨至秋七月 四年大雨水蝦蟆盈路蝗不爲災有

年 五年大有年雨水多鹽池被害 六年秋地震

七年秋七月大雨 十二年四月不雨至秋七月

康熙元年秋八月大雨四十日鹽池被害 三年秋

八月地震冬十二月地震二次 六年春三月大雪

七年夏六月地震 九年冬大寒 十年夏大熱

人多病有暍死者秋生五色蟲黑蟲如蠶食穀葉

十一年春夏旱秋七月蝗 十八年秋霖浹旬水決

鹽池商民大困 二十五年春正月雷電 三十年

秋飛蝗傷禾 三十一年大饑人死者相枕籍夏疫

盛行 三十三年大有年 三十四年夏四月朔二

日戌時地震如雷 三十九年春正月雷 四十一

解州全志

卷之十一

本州 祥異

三

年四月朔二日 關廟災

詔發帑金修建有鶴棲於廟馴擾不驚八日飛去 四

十七年硝池水潤鹽花自生 四十八年夏六月冰

雹 四十九年春二月地震二次 五十一年閏五

月冰雹大小不等有如錢如鷄卵 五十四年旱麥

價踴貴秋七月雨禾死者復生 五十五年閏三月

朔大風拔木破屋 五十六年池鹽盛生阜次崗連

六十年無麥斗米至八九錢奉

特旨遣左都御史朱軾賚帑散賑仍蠲免錢糧有差

雍正四年大有年 五年冬十月池鹽不種自生

七年大稔是年八月以山西連歲豐登

特詔免通省庚戌年地丁銀兩以示勸勵冬十一月又以民人急公蠲免通省辛亥年地丁銀兩 八年大熟 九年大有麥

乾隆三年歲稔十月地大震 十年冬十月雷電大

雨 十一年春隕霜七月蝗 十二年正月十三日

無雲而雷四月冰雹不爲災五月晝隕星天鼓鳴六

月雹 十三年大禱 十四年歲稔 十七年夏五

月不雨至秋八月無禾 十八年九月陰雨連旬涑

水漲發淹沒西王等村 二十二年八月雨溢硝池

解州全志

卷之十一

本州

祥異

三

侵敗鹽池 二十六年鹽池豐稔畦地不種自生

二十七年元旦日月合璧五星連珠卿雲華彩率土

仰瞻云

奏疏

解州改直隸州疏

戶吏等部爲錢糧關係綦重等事該臣等議得山西巡撫諾敏題前事以晉省太原平陽二府所轄州縣居通省三分之二地方遼濶經年不能周其地是以從前虧空知府茫無覺察然另分府治勢必建造衙署增設官役大滋糜費今細察輿圖相視形勢莫若照直隸州之制分屬請將平陽府屬之臨晉縣榮河縣萬泉縣猗氏縣分隸蒲州安邑縣夏縣平陸縣芮城縣垣曲縣分隸解州全志

卷之十二

本州

奏疏

一

解州太平縣襄陵縣稷山縣河津縣分隸絳州蒲縣寧鄉縣分隸吉州大寧縣汾西縣永和縣分隸隰州太原府屬之樂平縣孟縣壽陽縣分隸平定州定襄縣靜樂縣分隸忻州五台縣崞縣繁峙縣分隸代州河曲縣興縣分隸保德州一經分理則太平二府所隸州縣各止十一地近則易周糧少則易核不惟虧空之弊漸可杜絕卽一切詞訟簡而易理小民亦免守候生童考試亦無跋涉之慮至於直隸各州亦各有倉庫向無專責恐致侵那應將蒲州解州絳州吉州隰州五州錢糧就近令河東道盤查平定州忻州代州保德州四州錢糧令

鳳門道盤查澤州遼州沁州三州錢糧令糧驛道盤查
如通同隱匿疎忽失察發覺之日均照議處知府新例
處分庶倉庫各有責成實於錢糧大有裨益更有請者
嗣後凡直隸州缺出請於候選候補知府人員內揀選
俾以知府管知州事職銜既大身家亦重稽查分理更
加謹慎等因具題前來查知府有稽查各縣錢糧之責
太原平陽二府管轄州縣太多地方遼濶難以稽查今
該撫既酌量地方遠近將臨晉等縣分隸各州各州錢
糧分屬各道盤查於國計民生甚有裨益應如所請准
其分隸又疏稱直隸知州缺出請於候選候補知府人

解州全志

卷之十三

水州

奏疏

二

員內揀選俾以知府管知州事職銜既大身家亦重稽
查分理更加謹慎等語查各省直隸州俱有稽查分理
之責向例止以知州銓選在案今山西省請改爲直隸
州之蒲州等州遇有缺出亦應與各省一體遵行况現
在投供驗到知府人數無多卽行揀選發往恐未必盡
屬賢能應將該撫所請揀選知府管直隸州事之處毋
庸議但當新設之初稽查分理必得賢能之員方克勝
任查先經發往揀選人員該撫既稱現在所分各州知
州俱係新任之員人材尙有可觀等語應令其暫試尙
不相宜卽量才調用報部所出之缺吏部於候選候補

知州內每缺揀選二員引

見恭候

欽點一員發往補用俟

命下之日行文各部院衙門并晉撫遵照可也等因於

雍正二年閏四月初四日 題本月初六日奉

旨依議

特設解州關聖喬博士疏

禮部為題請

恩賜職銜以勲祀典以光俎豆事據總督管理山西巡

撫事務伊都立疏稱

解州全志

卷之十二 本州 奏疏

三

忠義神武關聖鍾靈涑水挺秀條山學本春秋樹綱常
於萬古心同天地昭靈爽於千年是以歷朝之旌獎優
加惟我

昭代之表章尤著按之褒崇

先聖成例山東曲阜縣既設有博士等員而浙江西安

縣為

孔聖後裔大宗所在復設博士二員先賢朱子在福建

崇安縣已設有博士而江南婺源縣為朱子祖籍復設

博士一員今

關聖在洛陽已奉

特恩准設博士而解梁原籍似可一視同仁題請到部
臣部議查得

至聖先師孔子後裔於山東曲阜縣設五經博士一員
後因浙江西安縣係文淵閣舊址於乾隆年間設五經博士一員
先師大宗所在復設立五經博士一員又查順治十二年將宋儒朱子後裔朱煌授爲五經博士於江南婺源縣原籍奉祀康熙二十九年將朱子後裔朱之儁授爲五經博士於福建崇安縣奉祀在案雍正三年

皇上念

關聖福國庇民實爲千古正神追封三代俱爲公爵解州及直省各州縣俱製神牌供奉葦洛陽守墓之處已

解州全志

卷之十二

本州

奏疏

四

邀

特恩設博士一員今請於解梁原籍一同

恩賜職銜應照先儒朱子後裔江南福建二處設立博士之例於解州添設博士一員以供祭祀俟

命下之日

臣部行文將

正德博士一員又查順治十一年

關帝嫡裔關居斌宗支圖譜印甘各結取具送部移咨吏部照例給劄可也雍正四年十一月二十二日題
本月二十三日奉

旨依議

解屬垣曲縣改隸絳州疏

吏部爲飭行查議事據山西巡撫覺羅石麟 題前事

雍正七年十月十八日奉

旨該部議奏欽此議得山西巡撫疏稱晉省太原平陽二府所屬州縣經前撫臣諾敏以知府一官不能周歷查議分直隸州將附近之縣歸州管轄就近稽查等因於雍正二年具題奉

旨俞允遵行在案茲確勘疆界自平陽以南附近府城者爲絳州之襄陵縣襄陵北至平陽府僅三十里南距絳州則一百十里是固便於隸平陽府也太平縣爲絳州解州全志

卷之十二

本州

奏疏

五

州首邑距州五十里距平陽府九十里雖較遠於州但該縣與襄邑俱橫控於平陽之南而平屬之曲沃翼城等縣轉爲之間隔以形勢言之自應歸平陽府管轄爲便其解州之垣曲縣僻處一隅距解州三百六十里距絳州止一百九十里遠近迥別實便於隸絳州管轄至絳縣舊原隸於絳州距州止一百里後歸平陽府管轄距府則一百八十里今仍歸絳州管轄則界址相連深爲便易聞喜縣舊曾隸解州距州一百五十里後歸平陽府管轄距府則二百一十里今改隸絳州相距僅七十里更爲近便以上五縣一經更易分隸實於公事皆

可收臂指之效備查舊制絳縣垣曲本隸絳州太平襄陵原隸平陽聞喜曾隸絳州似此轉移誠爲形勢聯絡道里適均於地方官民均有裨益等因前來查今襄陵等五縣該撫既稱更易分隸實於公事皆可收臂指之效誠爲形勢聯絡道里適均等語應如該撫所請絳州之襄陵縣太平縣准其隸平陽府管轄解州之垣曲縣平陽府之絳縣聞喜縣准其隸絳州管轄等因於雍正七年十二月初二日題奉

旨依議

晉撫請修解州城垣疏

解州全志

卷之十一

本州

奏疏

六

奏爲奏

聞事竊查城垣墩鋪原以捍衛百姓而設遇有坍塌處里民裹糧荷鍤趨事赴功固屬分所當然亦庶民子來之義祇因我

朝深仁厚澤愛養黎元體恤備至凡有工程悉支帑項相循日久民習爲常且恐地方官奉行不善派累滋擾是以酌分緩急年限仍議動項興修總皆仰體我

皇上軫念閭閻至意但山西民風淳朴急公尙義頗不乏人茲據解州知州韓桐稟稱解州城垣坍塌年久前

乾隆十一年估需工料銀七千七百餘兩業經彙入

通省城工案內議俟甲戌年動項興修在案今州屬士民介錫周等以城垣距應修之年爲期尙遠恐風雨摧斃日甚一日士民感激

皇上休養之恩又值屢豐之歲衆擎共舉情願捐修一切工料夫役悉紳士中公舉管理絲毫不假胥役之手現在興工民情實皆踴躍由司道等具詳前來臣查城垣爲地方保障旣非按糧派累亦非勉強勒修公舉具呈出之情願實由

皇上溥被感激奮興所致似當俯順輿情准其修葺除批飭該道府就近稽查禁止胥役等借端需索仍俟事

歸州全志

卷之十二

木州

奏疏

七

竣令將各捐銀細數據實造報分別嘉獎以示鼓勵等此外未修城工仍照乾隆十一年原

奏分別辦理合併陳明所有解州捐修城工緣由理合恭摺奏

聞伏乞

皇上聖鑒謹奏奉

旨知道了該部知道欽此

請易關帝諡號疏

禮部爲遵

旨議奏事乾隆二十五年正月二十二日內閣抄出

東按察使司按察使沈廷芳奏稱請易

關帝原諡以崇忠義以光典冊事竊惟王者有易名之
典貴斟酌以爲施聖人爲立極之人必推崇其所絕遐
考周家兩聖穆不言武昭不言文更聞唐臣有言多不
爲褒少不爲貶要以折衷至當名實庶幾相符定於不
移古今因而可守我

國家敦崇風義扶獎人倫宣勞績於當官并沐徽稱之
賜表名賢於往代更煩顯號之加旣以教孝而作忠實
足信今而傳後惟

關帝烈著漢朝浩氣凌霄徧九州而威震丹忱貫日冠
解州全志

卷之十二

本州

奏疏

八

三國以名高當後主繼統之年始加追諡洎歷代褒封
之日未改舊章或王或侯雖疊贈而顯榮未至目壯曰
繆卽兩字而疑譌良多蓋爲功德之不符卽屬典章之
有闕伏查元時之天歷首載惟有顯靈威勇之稱迨至
國家之順治九年始加忠義神武之號然而名稱雖盛
諡法未更尙留史傳之遺文詎協人心之公議欽惟我
皇上道邁百王心儀往聖彰報功之典羣瞻赫奕於河
東崇追遠之文且亞尊隆於闕里前因學臣之有請

允避帝諱而勿書虔恭視昔有加典禮於今爲盛茲當
武成大告之候式者神威默相之靈宜錫懿稱用熙美

報伏乞

綸音之遠播彌見

皇朝風教之隆叶饒吹以偕宣實爲奕世臣民之勸臣夙慕忠誠至形夢寐敬請易諡伏乞

聖裁等因於乾隆二十五年正月二十一日奏本日奉硃批此奏是該部議奏欽此抄出到部該臣等議得山東按察使司按察使沈廷芳敬請更易

關帝原諡一摺內開等語敬惟

關帝正氣丹忱顯靈宇宙精忠大義垂範古今旣祀典之聿昭宜諡法之允協原諡壯繆實與功德未協我

解州全志

卷之十二 本州 奏疏

九

朝加封忠義神武之號崇德報功較歷代爲隆而原諡未協公平允宜更正以昭

盛典應請

勅交內閣撰擬諡號進

呈

御覽恭候

命下之日臣部行文各該處一體遵奉臣等未敢擅便

謹

題請

旨乾隆二十五年三月初六日 題本日奉

旨依議欽此隨移會內閣撰擬去後今准移稱奉
旨用神勇欽此

移駐州判疏

吏部等部爲請移駐官員以裨地方以利鹽政仰祈
聖鑒事據山西巡撫明 等會奏前事疏稱運城地方
附近鹽池爲河東鹽務各官駐劄之所人烟稠密政務
殷繁兼之鹽池地處窪下全賴渠堰保護而渠堰各工
跨越解州夏縣安邑三州縣夏秋水暴漲渠堰各工
在在均須防護方不至有浸入鹽池之患其一切備辦
料物僱夫搶修必須地方官協同辦理始能剋期集事
解州全志

卷之十二

本州 奏疏

十

乃鹽務衙門與各州縣相隔數十里往返行文每多遲
滯運城地方雖於雍正七年添設巡檢一員但官職卑
微各邑村莊非其所轄一切購料僱夫均屬呼應不靈
往往多致悞事且運城爲最繁之區而以巡檢微員分
管私鹽逃盜鬪毆錢債等事亦未允協臣等伏查解州
設有州判一員州城內并無專辦事件且解州係直隸
州其州判例轄屬縣若將該州判移駐運城凡遇山水
暴漲渠堰各工有冲刷危險應行搶修之處解州及夏
安二邑地方皆其所轄即可就近傳喚鄉保購料僱夫
加緊搶修庶渠堰不至冲決而鹽池可免淹浸之虞且

運城繁劇之地駐劄州判辦理地方事務亦屬有益合無仰懇

聖恩俯准將解州州判移駐運城平時則躋緝私鹽查拿逃盜審理民間鬪毆錢債等事偶遇山水漲發搶修渠堰及歲修各工俱協同鹽務衙門購料僱夫上緊辦理該州判所司事務關係緊要非初任之員所能勝任應請定爲繁難要缺在外揀選調補查現任州判熊名相明白幹練應請卽以該員移駐其州判衙門額設吏役俸工養廉均仍其舊毋庸另議并請換給解州糧捕水利分駐運城州判關防以專責成至運城旣已移駐

解州全志

卷之十二

本州

奏疏

十一

州判則原設之巡檢及阜役均請裁汰該巡檢衙門設有馬快八名係雍正十三年奏准巡緝鹽池南岸竊盜之事應請照舊存留令該州判督率巡緝其裁汰巡檢衙署卽改爲州判衙署毋庸另請添建再查西場鹽大使駐劄運城相距所管鹽池三四十里往返稽查殊多不便而西場鹽池近在州城之外應請將西場大使移駐解州城內卽將州判衙署改爲大使衙署以便就近稽查該大使舊有衙署變價充公其州判原管硝池小池卽責令西場大使就近同解州吏目加緊防禦但看守硝池小池而未設有專役不免疎漏請將裁汰運城

巡檢額設之弓兵十名撥給西場大使以資巡守如此一轉移間則夏秋搶修不致貽誤鹽池可資保護而地方鹽務均可收治理之效等因奉

旨該部議奏欽此抄出到部該_臣等議得查乾隆六年五月原任大學士伯鄂等議覆戶部條奏嗣後各省應需人員止准於各省內隨時改調不得具奏增添致滋糜費等因奉

旨依議今該撫等既稱運城地方附近鹽池雖設巡檢一員但官職卑微各邑村莊非其所轄一切購料僱夫均屬呼應不靈查解州設有州判一員城內並無專管

解州全志

卷之十二

木州

奏疏

三

事件應如該撫等所請解州直隸州州判准其移駐運城平時則跣緝私鹽查拿逃盜審理民間鬪毆錢債等事遇山水漲發搶修渠堰及歲修各工俱協同鹽務衙門購料僱夫上緊辦理該州判員缺亦應准其定爲繁難要缺嗣後缺出應令該撫等於現任內揀員調補現任州判熊名相該撫等既稱該員明白幹練應卽准以移駐運城所有州判衙門額設吏役俸工養廉照舊支給至換給關防之處應照該撫等所擬解州糧捕水利分駐運城州判關防字樣俟

命下之日臣部移咨禮部照例鑄給頒發至運城巡檢

及原設阜役均請裁汰其現任巡檢王玉山應余該撫等飭離任所回籍另候補用至巡檢衙門原設馬快八名應准其照舊存留撥隸該州判督率巡緝其裁缺巡檢衙署准其改爲州判衙署所遺解州直隸州州判衙署亦准其改爲西場鹽大使衙署所有西場大使衙署應令該撫作速確估報部變價至解州州判既經移駐運城距所管鹽池三四十里往返稽查殊多未便而西場大使現在議令駐劄解州查鹽池近在解州城外稽查甚易所有州判原管硝池小池應卽令西場大使督同解州吏目就近防禦毋致透漏並將裁缺運城巡檢解州全志

卷之十二

本州

奏疏

三

額設弓兵十名准其照舊存留撥隸西場大使以資巡守等因乾隆二十七年十二月初三日奉
旨依議

關居斌請建關廟疏

奏爲昭代之祀典時舉梓里之聖廟被災籲

恩重建以妥神明以光俎豆事伏以我

朝勅封忠義神武關聖大帝生秉正氣歿爲神明義烈
光於史冊固令頑廉而懦立忠魂布於寰中實能護國
以庇民解梁固嶽降地也自陳隋創廟歷宋明恢廓千
餘年間忠義所感英威所震如破蚩尤護鹽巖除邪裕

國靈爽叠現以故廟貌日增規模壯麗且於康熙三十
七年五月十二日恭遇

皇上御書義炳乾坤匾額特遣大臣躬齋致奠自此香
火益盛靈應如響不意昨歲四月初二日香客蟻集釀
成火災千年棟宇兩時灰燼竊惟雕牆峻宇固有成毀
之常數忠魂義烈豈隨煙燼以俱滅臣斌名忝祀員實
係後裔黍稷難陳於瓦礫牲牷幾薦於炎燎縱先將軍
日星河嶽之浩氣原不專依祠宇我

天朝旌忠表義之隆規豈宜鞠為茂草恭籲

聖恩光復舊制庶忠義之烈常昭明德之馨永薦矣康

解州全志

卷之十二

本州

奏疏

古

熙四十二年十一月奉

旨發河南確查

鹽院李奏准歲修姚暹渠毋庸半借民力疏

為奏明詩

旨事竊查河東姚暹一渠實為保護鹽池之要區是以
前鹽臣薩 於乾隆二十六年十月間奏請借帑大修
案內聲明於每年秋冬農隙之際查明渠底淤澱之處
卽飭令地方官傳令南北兩堰附近居民出夫挑濬運
同按工給發半價所用銀兩照搶修之例逐年報部仍
於輪修姚暹渠年分歲修銀兩報銷等因奏准欽遵在

案乾隆二十七年冬間勘估淤澱處所應行挑濬之期
經前鹽臣照估造冊報部飭令撥夫興修嗣因水凍積
水未消難以施工迨至水涸又值農忙是以未經修濬
經運使詳請緩至二十八年秋冬農隙之際令運同會
同地方官再行逐一勘估將續勘應行修濬工段同上
年已估未修之工一併歸入應修項下造報等因臣到
任兩月以後正當農隙挑濬之際卽飭令會同地方官
勘估撥夫給價興修去後據地方官稟稱姚暹渠工向
從來未派撥民修今以每歲給發半價派修事屬創始
民力實屬難支等情臣伏查前鹽臣薩 奏請稍借民
力給予半價逐年挑濬者原爲疏通渠底以免壅決起
見今若以每年挑濬給發半價於民旣非樂從勢必製
難因循不能及時趕辦轉於工程有礙致滋貽悞臣再
四籌畫姚暹渠三年輪修需銀五千兩原屬定例然似
五千兩歲修之費若必屆三年輪修之期而始行修濬
是百里長渠日壅月積勢致淤塞太甚工程浩大以有
定之經費自難責其一律深通今從長計議不若將輪
修作爲歲修飭令專司工程之運同會同地方官於每
年農隙水涸之時估勘淤澱處所乘時雇夫挑濬按估
照給全價隨淤隨濬卽將挑挖之土培補堰身以期高

厚核計三年輪修之項分作每年修濬之需儘足敷用
工力易而費不繁是渠底可以年年深通庶得有備無
患以收實効似可無庸半借民力虛應故事至所用銀
兩遵照原奏逐年先行報部仍於輪修年分歲修銀內
報銷似此畧爲變通辦理並無多增修費渠底永久疏
通既免淤塞之患亦無半價派民之名實於保護鹽池
大有裨益臣非敢以奏定之案遽事更張原爲修濬渠
工緊要起見不揣冒昧據實恭摺具
奏是否有當伏乞

皇上聖明訓示遵行乾隆二十八年十月初一日

解州全志

卷之十二

本州

奏疏

去

奏本月二十七日奉

硃批知道了欽此

藝文

關公復曹操書

明公布大義於天下而速取自樹非某之所敢知若猶是漢也某敢不臣漢哉敢拜嘉命之辱

又復曹操書

劉豫州有言尉佗秦之小吏耳猶獨立不詭某啞啞飛鳴翔而後集寧甘志終小人下耶使明公威德布於天下幹旋漢鼎窮海內外將拜下風沐高義獨某兄弟哉

關公辭曹操書

解州全志

卷之十三

本州

藝文

一

竊以日在天之上心在人之中日在天之上普照萬方心在人之中以表丹誠丹誠者信義也某昔受降之日有言曰主亡則輔主存則歸新受明公之寵顧久蒙劉主之恩光丞相新恩劉主舊義恩有所報義無所斷今也刺顏良於白馬誅文醜於南坡丞相厚恩滿有所報敬留所賜之物盡在府庫封緘伏望臺慈俯垂鑒照

又辭曹操書

某聞主憂則臣辱主辱則臣死曩所以不死欲得故主之音問耳今故主已在河北此心飛越神已先馳惟明公幸少矜之千里追尋當不計利害謀死生也子女玉

帛之覘勒之寸丹他日幸以旗鼓相當退俟三舍意者亦如重耳之報楚成者乎某謝

關公與張遼書

魯仲連東海之匹夫耳爲齊下士然且恥不帝秦職爲通侯列漢元宰獨可使負漢耶子且休矣

關公答陸遜書

將軍作鎮西藩爲吳右臂下車未遠遽懷老夫中心藏之共獎王室幸甚幸甚目前小捷曷敢貪天之功第荆州與陸口接壤爲虜已非一日寡君報公子之命丞相有破曹之勲舊屬宗盟非吳土地乃阿蒙不揆大義狡解州全志

卷之十三

本州藝文

二

然西窺老夫不戒戎車而捍禦無術將軍慨然以操猾爲憂或能用命抑事在荆而指在洛亦惟將軍爲之老夫之言誠如皦日勿昵小功終成大德

答關公書

諸葛亮

孟起兼資文武雄烈過人一世之傑黥彭之徒當與翼德並驅爭先猶未及髯之絕倫逸羣也

鹽池賦

晉郭璞

水潤下以作鹹莫斯鹽之最靈傍峻岳以發源地茫爾而海渟嗟元液之潛洞羗莫知其所生狀委蛇其若漢流漫漫以漭漭吁鑿鑿以粲粲色皛然而雪朗揚赤波

之煥爛光盱盱以晃晃隆陽映而不燠洪涔沃而不長
磊崔嶽確鏘剝碁方玉潤膏津雪白凌岡粲如散璽煥
若布章爛若漢明晃爾霞赤望之絳承卽之雪積翠塗
內映頰液外霽動而逾生損而滋益若乃煎海鑠泉或
凍或漉所贍不過一鄉所營不過鍾斛飴戎見珍於西
隣火井擅奇於巴濮豈若茲池之所產帶神邑之名嶽
吸靈潤於河汾總膏液乎滄涑

周大將軍聞喜公柳遐墓誌

北周庾信

君諱遐字子昇河東解縣人也秦始征晉之地漢園平
越之鄉律中夷則星居鶉首况復莊謀於衛旣爲社稷
解州全志

卷之十三

本州

藝文

三

之臣喜對於齊無廢諸侯之職祖叔珍宋員外散騎常
侍義陽內史有徐邈之應對居於散騎之省有汲黯之
正直理於淮陽之郡父季遠臨川王諮議叅軍宜都太
守蘭臺石室是所洽聞白馬飛狐逾高詞氣西都吳融
擅名江表言談相會宛如舊焉君應令德之靈稟冲和
之氣齟齬髻髮夙智早成愛敬自天虔恭得性含仁抱
義履信居貞世父儀同忠惠公特加器異乃謂公曰吾
昔逮事伯父太尉公見語云我昨夢汝登一高樓樓盡
峻麗吾以坐席乞汝汝或富貴恨吾不及見耳吾向聊
復晝寢又夢將昔時坐席還復賜汝汝位官當復見及

王祥佩刀世爲卿族鮑永馳馬家傳司隸以此連類差無慙德輕車西昌侯作藩襄漢君年十二以民禮修謁進止端詳神情雅正侯目送之不輟試遣左右踐君衣裾欲視舉動君徐步稍前曾無顧盼魏侯之見劉廙不覺歛容漢主之觀田鳳遂令題柱比之今日曾何足云驃騎廬江王帝子出藩懸衡高選以君華望召爲主簿張坦直諫旣稱荀令之香鄒湛知言彌見羊公之德諮議府君於都薨背君奔赴六日卽屆京師形骸毀瘁不復可識靈柩泝江中川薄晚亂流乘選迴風反帆舟中之人相視失色抱棺號慟誓不求生俄爾之間風波卽

解州全志

卷之十二

本州

藝文

四

靜咸以君精誠所致成都孝子自赴江流桂陽先賢身彰野火並存靈柩咸可傷嗟太夫人乳間發瘡醫云惟得人吮濃血或望可差君方寸已亂應聲卽吮旬日之間遂得痊復君子事親可謂至矣從兄右衛擁旌嶺表苦相攜致昔馬遊志氣爲馬援所知班嗣才學爲班彪見賞復聞於今日矣乃除永化縣令靜尋欵案或吟長岑之遠乍撫鳴琴不以河陽爲陋日南金柱合浦珠泉莫肯經懷未嘗留目解巾平西邵陵王法曹叅軍仍轉尙書工部侍郎始入禮闈旣登蘭閣尙書僕射陳郡郡謝舉人望國華引君言論謂同位坐曰江漢英靈見於此

矣西中郎岳陽王以緣車之重臨西河之牧勅用君爲
本州治中尋遷別駕王叔理以品物流名陳仲舉以題
軒馳譽君之展驥兼而有之及乎大盜移國王室騷然
月動星搖雲平虹直岳陽王承制陝左當壁漢南天綱
所頓英賢畢集授君散騎侍郎吏部員外郎散騎常侍
兼太子侍講監儲甲觀事重史丹侍講桂宮名高張禹
俄遷車騎大將軍侍中開府儀同三司餘如故方之驂
乘霍去病爲侍中譬彼將兵公孫敖爲驃騎足以照曜
六府謨明九德豈直允諧上將匡贊中軍而已哉旣而
言從梁國服政鄆都管仲有詞卽受下卿之禮臧孫見

解州全志

卷之十三

本州

藝文

五

德還奉嘉賓之晏有詔授使持節驃騎大將軍開府儀
同三司霍州諸軍事霍州刺史犀節去關袞衣馳傳迎
郊則文學前驅賓衛則邦君負弩直以五溪遼遠馬伏
波之思歸三湘卑濕賈長沙之不願是以宜城刺史直
會鹿門白沙故地仍畱龍種天厲弗戒奄然終極天和
某年歸窆於襄陽白沙之舊坐君器宇詳正風鑒宏敏
澡身浴德游藝依仁汝南令望扶風長者不言財利王
夷甫之爲德不談人物阮嗣宗之爲人從容亂離之機
保此令德舒卷風雲之際無妨貴仕張衡渾儀之後卽

賦歸田杜預沉碑已來遂停鄉里王仲宣有讀書之樓

諸葛亮有彈琴之宅實欲因此謝病閑居終焉嗚琴在
膝或對故人寶劍自隨時遇稚子百年俄頃嗚呼哀哉
遂使君子之陵止埋銅劍賢臣之墓惟銘石函銘曰有
莊有惠居魯居衛義是隨時才堪濟世北部尙書東京
司隸必復其始侯君相繼華蓋一岳文昌一星青衿辯
志童子離經義最非典書勤映螢往年靈樞漂泊江池
以君哀勵川石渟波揚名北海馳譽西河誰登九折不
入朝歌蔚炳胥變攀陪遂遠白鹿隨軒丹輦附冕位叅
上將榮兼本選蛇盤綬結龜廻印轉來朝平樂歸政咸
陽蕃維卽啟軍幕仍張起茲禮數峻此戎章長離宛宛
解州全志

卷之十三

本州

藝文

六

刷羽陵江世急奔流年催驚隼滅沒頓轡扶桑搖鞞智
土石圻賢人星殞西鄂芝枯南陽菊盡愴焉啟首生榮
終極相杵輟春鳴機罷織笄笄嗣子視陰餘息霜露履
之哀哉樂棘龍巢北望鳳闕前觀松長風遠地厚泉寒
書埋簡落琴覆苾寬贈行之冊書而納棺

上周太祖書

北周

柳虬

古者人君立史官非但記事而已蓋所以爲鑒誠也動
則左史書之言則右史書之彰善癉惡以樹風聲南史
抗節表崔杼之罪董狐書法明趙盾之憊是知執筆於
朝其來久矣而漢魏以還密爲記注徒聞後世無益當

時非所謂將順其美匡救其惡者也且著述之人密書其事縱能直筆人莫之知何止物生橫議亦自異端互起故班固致受金之名陳壽有求米之論著漢魏者非一氏造晉史者至數家後代紛紜莫知準的伏惟陛下則天稽古勞心庶政開誹謗之路納忠讜之言諸史官記事者請皆當朝顯言其狀然後付之史館庶令是非明著得失無隱聞善者日修有過者知懼敢以愚管輅冒上聞乞以警言著之衆議

風后八陣圖記

唐獨孤及

物不終靜必受之以動當純坤用事陰疑於陽則飛龍

解州全志

卷之十三

本州

藝文

七

戰太樸以散聖盜並起故戎馬生乃有并吞八荒爭轂九有大者天柱折地維絕小者作慝廬山負阻中冀上帝憑怒下土是恤乃眷武德黃帝受之始順殺氣以作兵法文昌以命將於是乎征不服討不庭其誰佐命曰元老風后蓋戎行之不修則師律用爽陰謀之不足則凶器何恃故天命聖者以光戰術俾懸衡於未然察變於倚數握機制勝作爲陣圖夫八宮之位正則數不愆神不惑故入其陣所以定位也衡抗於外軸布於內風雲負其四維所以備物也虎張翼以進蛇向敵而蟠飛

龍翔鳥上下其勢所以致用也至若疑兵以固其餘地

遊軍以按其後列門具將發然後合戰弛張則二廣迭
舉犄角則四奇皆出必使陷堅陣拔深壘若星馳天旋
雷動山破彼魏之鶴列鄭之魚麗周武之熊羆昆陽之
虎豹出匪以律我異於是旣而圖成罇俎帝用經略北
逐獯鬻南平蚩尤勘黎於版泉省方於崆峒底定萬國
旁羅七曜鼎成龍至去而上仙於是遺風冥冥時亡而
圖存焉嗚呼聖迹長往神機未昧酌其流者猶足以決
勝三軍禦侮萬里故項籍得之以霸西楚黥布得之奄
有九江漢孝武得之攘匈奴服甌越東收獫狁西拓大
夏然則聖圖幽贊未始有涯唐天寶中容有爲韜鈴者
解州全志

卷之十三

本州

藝文

八

得其遺制於黃帝書之外篇裂素而圖之則勝敗之朕
在我指掌天地之心見於毫末議欲獻諸策府用廣武
事會天子以不戰爲師無爲爲寶則是圖也興於多難
廢於昇平湮淪不書盛德其沒乃旌諸圖側以爲三皇
之故事六藝之餘技云

風后握機圖序

嚴從

中黃子曰子觀風后握機圖殆有情哉然年代遷遠文
字損益或致僭訛矣惜乎夫兵者榮賤覆殺之大機也
天地神靈之所闕也洞則王昧則亡故黃帝湯武得其
道矣然則兵之用也豈惟道乎亦有工拙矣語大旨有

三微焉昔伊尹勸湯呂望勸周子房勸漢祖魯禹勸光武可謂知運命之微也樂生破竹迎刃之喻曹劌三鼓候衰而作可謂知和氣之微也孫臏邀敵於馬陵韓信置軍於水上可謂知地勢之微也故古人有言曰能知三微霸世之師至夫以智料智因奇縱奇千變萬化不可殫備今夫握機者約而遠幾而深用少以濟廣貫一以締萬微乎微乎可以神會難以迹融非智合曩賢役心淵妙者不可常識倍之今予依風后大旨略爲此圖以擬方陣陣有八物有八容八八相值可離可合中有容効三元天子上將所居常靜不動以象元極以配黃

解州全志

卷之十三

本州藝文

九

中其理微矣若乃四衝夾三輔九地夾二天吟龍嘯虎當前後之衝雲鳥風蛇居搏掣之要敵寡則從虎翼之屬風蛇之勢合而鬪之彼衆則奮龍虎之衝接雲鳥之勢突而擊之亦百勝之術也昔諸葛孔明以傑時之智將求其源而未得也乃曰八陣成可以橫行天下然武侯陣法亦有虎翼翔鳥足明武侯所習則風后五圖也桓溫見蜀將八陣云是常山蛇勢徒妄言耳常山蛇者法出孫子謂之率然蓋直陣也故桓溫覽孫子而有是言殊無指哉然此離合之勢奇正之術故曰或離而爲八或合而爲一以正合以奇勝其要此矣公孫子儒者

也至注釋務析精奧而多引空言以誣後人何哉馬總
述云增字發明未得精了更益煩蕪予昔常覽焉中失
其本每思經述近乃得之聊因時暇刊繁舉要序而第
焉二百八十言殆不過尺并爲圖式以悟後賢庶有賴
云爾

鹽池記

梁 肅

黃河自崑崙山東會溟漲九折迴互鹽泉各一儒者書
以爲海目則郇瑕氏之地瀆流其長觀乎北浴陵阜南
瀕山麓湛湛煙碧浩無春冬蒸騰雲霓出入日月亦云
廣矣雖吞喻珂隧代增淳鹵而利倍農穡有殷家邦賈
解州全志

卷之十三

本州

藝文

十

惟從山湧不加海交兩都之軌遶延萬賈之資貨是人
不厭也當武后聖政務述省方鳴鑾載臨流潦旋敗泊
皇明道發澤漸殊垠天之旣啟鹽乃旋復非夫蟠軒神
應坤次靈孕亦何能旌昏明籌勝負乎帝所宜念責然
來思分天牧以涖擇藩佐而貳賢能鮮墜於事則

缺字

字通閉閤扼拓磯之左隅隣大邑之東部崇府庫歲望
乎儲畜樞管鍵夕俟乎閉藏茲乃慮終於始也邦貴康
食戒之克勤人非忘勞道在悅使大命日下巡功歲移
廣岸砥平而可礪修畦綺分以如織是時也春光奪炎
氣興洪溝浚白波騰或瀆或汨以泮以瀾狀雲洩而雨

駭或花明而雪凝京抵蘊崇豆區嘉量隸戶徵算鹽人
揭書民無不供先薄稅以從賦君孰與足逮黎庶而必
分固非擅權利貴貨易土登陸而雷駟流日驟水而雲
騰擊星律有變給用無絕傳曰山澤林鹽國之寶也茲
其是焉若周物揆情易人推類施之求報大道之元德
也明則啟祚聖人之知變也降人納污明君之藏垢也
羹餼調膳賢人之入用也包四美而世濟資百工彌國
貞將以樹善永年非石無以紀垂裕喬甯非文無以揚
則我晉寶達於萬方也

鹽池賦

閻伯興

解州全志

卷之十三

本州

藝文

十一

坤之美兮焉可以測鹽之池漭沉兮割開於郇瑕之側
廓平陸而無際浸長天之一色前對條山照峰巒之截
畧却隣安邑對城樓之巖岌其出形鹽也狀雄虎之蹲
於長野攫擎兮布濩其吐精光也如白日之昇暘谷照
爛兮燦艷既似乎鏡湖之不遠又似乎渤海之在卽是
以我良牧宣風千里褰帷憑軾觀茲池兮荷上天之報
觀茲鹽兮恤下人之食意者以爲季布鎮乎股肱黃霸
蘊其輔翊不爾何魚鹽川澤之用饒土潤鹽嗟之利飭
天人之繫賴則有典有孚百姓之攸迷而不知不識祭

矣

壁依稀硯珉入澤遐窺喜晴天之速曙隔林斜望訝瓊
樹之驚春餌之者若茹膏之客捧之者疑獻玉之人况
生殊播植動必合時爲諸侯之賞愛入嘉賓之賦詩嗟
乎其皎皎兮於川之湄其郁郁兮於川之砥有美玉之
價沉之而不污有君子之德涅之而不緇利入桓公之
論名留謝氏之詩充郡國之珍產實亭育之攸資承言
沉鬱必由光拂可取於人况鑒於物懿夫天不祕寶地
不藏靈可以和梅羹之調鼎致君於堯舜可以偶膳鱸
之人薦効祉於勳名爾河汾之寶信同天造豈若紛溝
陸之綺錯則萬頃花明匝井田之周環則千里雲離由
解州全志

卷之三 本州 藝文

三

斯言旃有美自天幸無委於泥淖將以報於陶甄

舜歌南風賦

以能感和樂生
疏羣物爲韻

楊 廼

巍巍舜德於今人稱居北極而惟大歌南風以敷宏猷

之伊何制絲桐而合奏風之至矣信長育而有徵空可

謂無爲而自理天縱而多能美夫誠發深衷物能應感

憫沃瘠之勞逸均陰陽之舒慘是用作則於世利之孔

多風詠凱兮美萬物之蕃衍樂操琴也佳五聲以同和

復而不厭遠而匪他方將煦嫗之爲意豈徒娛樂於斯

歌觀其發官應徵揚清激濁自南習習同詩人喻彼棘

心入夜冷冷異貧士叩其牛角則知聖人審音以知政

化俗而作樂者有以夫懿其出乎幽谷應以繁聲若雲龍之潛召同律呂之相生萬籟動八音清匪鳴條而扇物方靡草而作程是以人和時康功歸帝力四氣以之而不撓百穀從茲而蕃殖節有度守有則始從邇而及遠終自南而徂北爾乃匪徐匪疾乍過乍聞颯颯輕音疑少女之初至冷冷餘韻謂別鶴之求羣亦謂父母之罔極何必聲變而成文是以德冠百王致成萬物正南面而恭已懋功千載不哂

晉問 摘錄

柳宗元

先生曰猗氏之鹽晉寶之大也人之賴之與穀同化若

解州全志

卷之十三

本州藝文

三

神造非人力也但至其所則見溝塹畦畹交錯輪囷若稼若圃敞兮勻勻渙兮鱗鱗邇瀾紛屬不知其垠俄然決源醜流交灌互澍若枝若股委曲延布脉寫膏浸漑濕滑汨彌高掩庫漫壠冒塊決決沒沒遠近混會抵值堤防潏瀦沛澦偃然成淵潏然成川觀之者徒見浩浩之水而莫知其所以及神液陰澆甘鹵密起孕靈富媪不愛其美無聲無形燦結迅詭廻眸一瞬積雪百里晶晶冪冪奮僨離析鍛圭椎璧眩轉的礫乍似殞星及地明滅相射冰裂雹碎龍嵒增益大者印纍小者珠剖涌者如坻坳者如缶日晶熠煜螢眩電走亘步盈車方尺

數斗於是哀歛合集舉而堆之皓皓乎懸圃之巍巍嶸
乎漾乎狂山太白之淋漓駭變化之神奇卒不可推也
然後驢羸牛馬之運西出秦隴南過樊鄧北極燕代東
逾周宋家獲作鹹之利人被六氣之用和鈞兵食以征
以貢其賚天下也與海分功可謂有濟矣若是何如吳
子曰魏絳之言曰近寶則公室乃貧豈謂是耶雖然此
可以利民矣而未爲民利也先生曰願聞民利吳子曰
安其常而得所欲服其教而便於己百貨通行而不知
所自來老幼親戚相保而無德之者不苦兵刑不疾賦
力所謂民利民自利者是也

解州全志

卷之十三 本州 藝文

十四

乞罷修腹內虢解兩州城壁樓櫓及器械狀

宋 司馬光

熙寧三年十一月初七日准樞密院劄子節文檢會近
爲麟府路豐州及外堡寨官弛慢不職不修完城池樓
櫓器甲等已奉聖旨降官等第斷遣及劄與三路轉運
司徧牒轄下沿邊州軍知委去訖近又據陝西路提刑
宣撫司奏華州甲仗庫弓弩不堪蓋是監官并本州官
員全不用心點檢有悞緩急使用其鈐轄盧戴坐受優
俸空占當直兵士略不營職朝廷已令鄜延路經略司
舉官差替盧戴其華州甲庫弓弩不堪本州當職官員

全不用心點檢仍令宣撫司差官取勒聞奏竊慮諸路亦有不修完城壁器甲等去處奉聖旨令河東河北陝西經略安撫司指揮轄下州軍委官吏仔細點檢須管日修完城壁樓櫓堅固器甲精利如將來朝廷專差官點檢得却有未修城壁樓櫓器甲等其應于官吏必當依此重行斷遣劄付本司者尋依准朝旨行下本路諸州三施行過准虢州申州司勘會本州雖陝西路即不係近邊州軍其州城從來並不曾有敵樓戰棚爲自來霖雨塌及無兵功累年不曾修築已牒在城兵馬都監呂士宜重行檢計損壞城邑去處才候檢計

解州

卷之十三

本州

藝文

五

到合使人工物料別具狀供申乞差兵夫次及據解州申准兵馬監押狀申准州牒備錄到安撫使司牒內坐到聖旨指揮修完城壁樓櫓等尋將帶壕寨木匠作頭等檢計外雜城面上只有更屋二十三座並係年深倒塌及城壁墜倒久來亦不曾泥補修完伏乞據狀申上衙乞差官計料修城人工及剋添樓櫓免致將來朝廷差官檢視見並不修完城壁及剋蓋樓櫓虛負責降停替州司勘會舊來城上並無樓櫓卽目城面上濶處只及四五尺以來今若指揮使行剋造又緣合使人工材料數目不少今來未敢專擅剋修伏候指揮右謹具如

前勘會管下永興等一十州軍城壁內有久來已行安
置樓櫓完備亦有城壁低下薄怯全未有樓櫓去處其
逐州官吏旣准上項朝旨及見麟府豐州官吏以不修
完城壁樓櫓器甲降官等第斷遣并華州官吏差替取
勘仍恐朝廷非時差官點檢例各畏懼爭欲日近興工
完葺以避譴責伏緣營造樓櫓須籍城基厚濶方可安
置今來解虢兩州城壁皆稱濶處只及四五尺似此之
類須是先貼築城基方可創修樓櫓若非大段興工無
以辦濟況今本路州軍全闕廂軍應急差使官庫亦闕
見錢收買材料若是差役人夫配率材料又緣陝西州
軍已是去歲夏麥薄收秋苗旱傷當此饑饉人戶流移
之際若更如此差擾必是轉難存濟兼永興軍一路州
軍盡在腹裏去沿邊絕遠設若緩急需用品亦未能便到
逐州軍城下其樓櫓修下數年不用不免損壞今來若
盡令與沿邊州軍一例須管日近修完城壁樓櫓堅固
器甲精利顯見官私虛有勞費欲乞朝廷特降指揮其
沿邊及次邊州軍卽一依近降朝旨修完所有腹內州
軍城壁樓櫓並候將來豐熟以漸營葺其器甲卽據不
堪數目逐旋勒作院人匠依程課修整務令精利所貴

公私皆得辦濟熙寧四年正月三日狀

物固有莫大之利然利不能自造必有神以造焉神固有感應之靈然而靈不能自達必有人以達焉條山之陰涑水之左鹽澤存焉鑿畦灌水不假烹煉時無數刻雪積百里缶涌坻坳晶瑩射日人獲作鹹之備國賴邊儲之用距縣之南四十里古有祠曰分雲嶺廟貌巍然獨處巖谷之巔尸鹽澤之利者誰耶神之興利利之及民更漢歷唐徒知取給以資用而莫知追封以崇神逮我皇宋景德三祀賜其名曰廣惠於是舉廢起墜煥然一新神之血食得所據矣元符戊寅秋天大霖潦堤防決潰鹽利之入蕩然莫守抑亦天之數而神者尸之歟崇寧以後朝廷以利入之廣遣使興復逮於大觀十餘年間增置隄防厥功告成鹽利如初乃嘉神之惠詔封公爵名以成寶嗚呼神之佑民富國厚哉宋景德辛丑

夏月

解州全志

卷之十三

本州

藝文補

五

侯以忠義大節事昭烈爲左右禦侮之臣名聞於天下後世雖老農稚子皆能道之然皆謂侯英武善戰爲萬人敵耳此不足以知侯也方漢之將亡曹孟德以姦雄之資挾天子以據中原虎視隣國謂本初猶不足數而況其下哉獨先主區區欲較其力而與之抗然屢戰而數敗矣士於此時懷去就之計者得以擇主而事之苟不明於忠義大節孰肯抗強助弱去安而就危者夫爵祿富貴人之所甚欲也視萬鍾猶一介之輕比千乘於匹夫之賤者豈有他哉忠盡而義勝耳侯以孟德名爲解州全志

卷之十三

本州

藝文

七

漢臣實漢讎也而先主固劉氏之宗種侯常受漢爵號矣苟爲擇其所事則當與劉乎與曹乎曹劉之不敵雖愚者知之巴蜀數郡以當天下之半其成功不可待也而侯豈以此少動其心哉秋霜之嚴見現則消南金之堅遇鋼則折而侯之忠義凜然雖富貴在前死亡居後不可奪也孔融楊彪皆巨德元老一旦少忤孟德則戮而囚之侯爲孟德所不敢加無禮焉比其去也熟視而不敢追然則侯之所以勝孟德者多矣蓋有以服其心而折其氣豈在行陣間乎侯本解人廟於郡城之西廟久不治里中父老相與經營加完新焉時爲太守張

公別乘張公相與爲雍容鎮靜之政而解民熙然樂之日有餘暇可以致力於神矣然則神安其宅厥有由哉

重修下五龍廟記

張智

下五龍者按方誌未詳其名號之因興建之始耆舊相傳以其禱無不應故有祠廟在山之趾觀夫洞壑傍湊峰巖秀拔洩而爲雲雨鼓而爲風雷莫斯形勝宜其萃蜿蜒之靈降脢蠻之祐所以像設斯在歷代不廢然而歲月滋深傾圯荒穢不克完葺郡太守京兆田公布政之餘事神在念以爲民或疵癘神能祛之歲或凶荒神能禦之不有增修孰示昭報於是去舊制之湫隘卽新基之顯敞琳珉杞梓山峙雲委募工惟良役民惟簡繼時而作不日而畢堂殿中啟廊廡周衛彩纈丹蘄霞明綺舒器皿備而惟潔制度嚴而不侈煌煌輝輝不其偉歟然後郡民有祈福之庭來者有薦誠之地爰刊貞石用紀成功誌事貴實故其辭不飾時淳化三年七月九日記

解州全志

卷之十三

本州

藝文

六

新修靜林山興化寺記

王基

中條山靜林谷蒲阪舊地也有古寺載於圖經唐乾寧中錫名妙覺後漢乾祐初始屬於解至本朝太平興國

二年易以今名歷歲浸久頽屋壞垣莫之能興慶歷中
有僧號普真者雲遊至此徘徊周覽愛其山川可爲住
錫之地乃營庵於側鄉人知其篤行相與營建殿閣創
修甃塔繼絳僧文玉與普真同志棲隱斯地乃度地之
勢以廣寺之基日修月葺講論有堂燕息有室於是二
人復請於官乞奏以十方爲名朝廷從之至是歲時設
齋大會環千里之內外衣冠士女雲集輻輳其盛遂與
棲巖萬固三刹相埒而爲解地之勝遊歷三十年而正
殿獨闕有沙門洪濟者繼爲主僧慨然建立乃告於有
力者郡人試將作監主簿婁應與濟相善獨力承修遂
解州全志

卷之十三

本州

藝文

九

聚材鳩工克成善果廼刻盧舍那像以中居之而廡舍
未畢洪濟化去婁君亦卒其子綬念先人志遵釋氏教
與主僧元杲繼而成之增廣廊廡七十餘間費幾萬餘
緡一出婁氏至是左右上下粲然備具予嘉前後主僧
得人其所以用心如此又歎婁氏父子相承若彼因述
此寺肇興之迹而爲誌其歲月以告後人云時元祐三
年十二月初一記

重修學宮記

劉制

秋八月丁卯州太守某公用牲醴致祭於先聖禮畢語
諸儒曰解梁爲郡西徂蒲津東襟晉絳南帶陝號庶矣

恃鹽池之利百商往來百貨貿易富矣獨教之道缺故
大姓富於財而貧於禮市庶急於利而緩於義學者事
諸末而背諸本必欲風俗之美人才之衆而學舍圯毀
何以傳先王之業流教化之源異日公乃先施已俸三
萬仍檢舉瞻學宿負八十餘萬委解縣令張旦司判手
淵徵理之且使督工監役郡民楊琛趙遵石鑑龐庭寶
更相語曰賢哉太守之用心也將增新學校人才以育
風俗以厚乃競財用以獻焉於是正門左右起外舍百
餘椽爲敝屋以資學用舊二碑復庇以亭內廡兩翼分
掖中門繪七十二子暨先儒有聞於世者十位顏孟室

解州全志

卷之十三

本州

藝文

三

孔子堂儼然中設其後明倫堂兩齋庖次井飲百廢俱
起肇自八月今年五月落成又取京府養士例職先學
者爲策其於國家設學養士之意誠不負焉

重修關聖廟記

田特秀

田特秀

夫忠而識闇不能擇有道之主當代無以建其功若范
增爲項楚畫計雖怒撞玉斗未免爲彭城之廢人矣勇
而義寡不能堅事君之節沒世無以成其名若呂布反
覆無定雖巧中戟支未免爲白門之縛虜矣忠而遠識
勇而篤義事明君抗大節收僑功蜚英名磊磊落落挺
然獨立千古者惟公之偉與昔漢火灰冷群龍鬪野曹

操以姦雄之心挾天子以令四方雖名漢相其實漢賊
先主以漢之宗裔稟寬厚之資負英雄之氣下將解黔
首之倒懸上則懼高光之不血食也屈體待士冀完舊
物公於是時意謂與曹則助賊爲虐逆也與劉則輔正
合義順也於是委質先主如雲風之從龍虎周旋禦侮
有死無二及督荊州也降于禁戮龐德梁郊陸渾遙受
印號威聲赫然震疊華夏曹操謀徙許以避其鋒江東
請求婚以結其好使西南僻陋之蜀屹然爲鼎足強國
二敵睥睨而莫敢妄動者非公之力與當時諸葛孔明
自謂管樂之流於人不易許可嘗謂馬孟起兼資文武

解州全志

卷之十三

本州

藝文

三

一世之傑當與翼德並驅爭先猶未及髯之絕倫逸羣
也世說多稱策馬刺顏良於萬衆中遂解白馬圍爲公
之美是豈真知公者哉且公平昔好春秋左氏傳方先
主在許與操同獵公勸先主殺曹不從及在夏口飄颻
江渚乃怒曰往日若從某言豈有今日之困以是知公
好學通古深識遠見又有大過人者當下邳之役爲操
所得禮遇甚厚公視高爵重賞藐如草壤盡封所賜而
去於戲士窮見節義方曹氏勢熾炎劉力弱事君不忘
其本見利不失其義是豈增布可同日語哉解實公之
故里廟在郡城西春秋祈祀送迎奔走四遠之人惟恐

其後本朝慮公之廟歲久將敝特降明命而完新之余
既喜敘公之忠節休烈亦將律天下後世之爲人臣者
潁川忠襄王廟碑記 元孫元

至德十一年妖賊起汝南明年陷江淮又明年陷河洛
又明年斷函谷關據陝州城震擾秦晉解爲州界秦晉
交勢引殺函去陝咫尺隔一河其州人少長老弱成大
震恐怖懼謂朝夕焚溺水火中無葬地矣俄聞潁川王
將大兵數萬衆轉戰南來拔殺關直薄陝州城攻圍計
數日賊分遣奇兵渡河北蹂解南鄙王將騎夜渡靈寶
要擊於安邑南原大破之乘勝逐北數十里抵平陸蹶
解州全志 卷之十三 本州 藝文 三

下陽津賊衆爭赴水死無噍類遺城中賊大奪氣會食
盡棄城乃遁去明年襄樊賊入武關奪秦嶺直犯長安
王復引兵戰同華再戰秦隴徼鳳大擊破賊走巴蜀遂
定秦隴又明年春東賊分道突太行陷冀雲中鴈門代
郡烽火數千里大掠復南還出故道抵絳及解解人復
大震恐王復出關渡蒲阪勒兵解之聞喜以伺賊賊走
南山設伏兵橫擊之賊驚棄輜重散走山谷虜獲萬計
晉冀地悉平歷數年還解境皆兵燹賴王力解之民卒
脫兵難後二年王靖大梁定中原又二年收魯復下齊

夏六月薨於軍哀音至解之士民及郡守僚屬相聚計

議曰天下初發難也羣盜所過燔城府殺長吏屠黔黎
流毒徧海內罔不殘滅吾解梁闔境爲完城四野爲全
民邑里有屋廬父子夫婦長幼昆弟有倫飲食有節出
入有數抱子弄孫不殊平時若是者果誰之賜耶傳曰
有功於民國有祀能捍災禦患國有祀王有大功活大
衆宜世世血食吾土衆口儔咸應曰安思所危功思所
自是謂知報德者乃卽日擇高阜肇營王廟於乾隅官
府捐俸金士民輸土木衆樂效役不闕月而告成殿宇
巍如廟貌儼然兩廡櫺星拱揖左右中條太華掩擁後
先莊麗雄偉聳甲首郡訖事其同知卜嗣真等走洛陽
解州全志

卷之十三

本州

藝文

三

求文於余用刻石以昭不朽吾喜勲業在王室聞望在
天下德澤在四方復解人感王大德追思感慕永世能
不忘是可記王名察罕帖木兒字廷瑞沈邱人初監汝
寧府中書平章政事知河南山東行樞密院事陝西諸
道行御史中丞薨諡忠襄追王潁川其子擴廓鐵穆邇
繼總大兵克成功今爲大尉中書平章政事樞密院
事太子詹事家乘國史具載始末茲不錄云

復立解州運司碑

王利用

天地間山林水澤寶於萬世者無盡藏也若夫致五味
之齊調五內之氣使人壽且康者嗇而已鹹嗇之利幽

齊之間居多然必假煎沃而後成惟河東解澤幅員百
里澄澈萬頃脉絡連嶽澗流通瀆鹽風一觸花蕊泛波
畏日載臨玉粒結秀語其色則白雲浮洛語其瑞則榮
光塞河一歲之計則日月至焉而已矣我大元經始之
用仰於有司或租或庸或征或調收鹽鐵之算程權酌
之利而鹽爲諸賦之首解之鹽澤又諸榷之首也不曰
地不愛寶變鹹爲澁則曰民不告勞財不橫費永無盆
鑊之勞終有醞漉之效逮乎積雪盈厖晴霜障野以佐
國用以薦郊廟以惠工役以通商賈用力少而成工多
比年以來遠給軍儲使人輸粟以鹽鈔易之省飛輓之
苦通懋遷之貨邊用充民食足可謂作鹹之利寶萬世
而無盡藏也至元乙酉州尹王奉訓致懇於余曰解州
恃鹽榷之利世爲名郡故曰豐寶軍亦曰興寶軍曩者
主鹽之官與州有隙遂置司於路村以致閭井蕭條居
民鮮少於今五紀矣日居月諸鹽法亦弛良由所置司
村居野處公私通弊課失歲額詞訟日滋朝省遣使考
會積年不已行中書省病之思選廉幹吏委以大計乃
辟前經略司經歷吳從仕以監榷焉蒞任之初究弊源
立新政首以復遷解州爲便行省允其議州之正倅卽
以公解爲鹽司禮接僚屬若賓主然規模制度爲之一

新實至元癸未春二月也既而歲課羨餘不啻倍蓰都
轉運同知王中順具奏以聞乃課績以從仕爲最改授
承事郎充解鹽使自是州司鹽司獲處其便哇戶編戶
奠厥攸居擬立豐碑以紀其事非閣下之文不能掄揚
其始終也余應之曰州司非鹽司則城市不集鹽司非
州司則歲課不增朝廷得人兩司乃建事旣告成世濟
其美勒之貞珉傳之後代孰曰不宜於是乎書

解州全志

卷之十三

本州

藝文

三

下以面內公大集將佐詢之皆頑負固欲背城借一

曰惟有死耳公泣告曰口口以萬計何辜焉且金

何足爲之死哉切憤毒痛絕之河朔列城百數昔

號金湯舉若一羽然豈人子今虎旅雲集鐙鼓震地

不日似相魚肉矣與其子待盡孰若去虐效順爲昇

